





450-1887

Cc 4-a. 31

RB 4918





Digitized by the Internet Archive
in 2016

<https://archive.org/details/b24931810>

TENTAMEN
PHYSICO-MEDICUM

INAUGURALE

DE

OCULO HUMANO.

TENTAMEN
PHYSICO-MEDICUM
INAUGURALE
DE
OCULO HUMANO.

QUOD,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S. S. T. P.

ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI Consensu,

Et Nobilissimæ FACULTATIS MEDICÆ Decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

PETRUS M'LOUGHLIN, A. B.

HIBERNUS.

An poterunt oculos aureis reprehendere ? an aureis

Tactus ? an hunc porro tactum sapor arguet oris ?

An consutabunt nares, oculive revincent ?

Non, ut opinor, ita 'st : nam seorsum quoique potestas

Divisa 'st ; sua vis quoique 'st : —————

LUCRETII, *Lib. IV.* 483.

Ad diem 12 Septembris, hora locoque solitis.

EDINBURGI:

CUM PRIVILEGIO.

TYPIS GEORGII MUDIE ET FILII.

1796.

Rutherford

Admonition Sive

SACRUM

Petrus M'Loughlin

GREGORIO præceptori et amico suo S.

*Medicinæ honores nunc affecuturus, et huic Academiæ
valedicturus, me beneficiorum prorsus immemorem judi-
carem, ni hanc occasionem tibi gratias proferendi arri-
perem; tibi, qui me semper consiliis, curâ, amicitii ad-
juvasti, tibi, qui———sed quid dicam de tanto
viro?—te novi,—te miror.—Tibi tuisque aspiret Deus.*

VALE.

Dabam Edinburgi primo Idus Septembris.

For

Allen

from his pupil and friend,

the author.

Z

PROŒMIUM.

MENTIS operationes pro nobilissimo studii investigationisque humanæ argumento, constanter, summoque jure fuêrunt habitæ. Ad hoc preclivitas, in naturâ mortalium, evidenter manifestèque semet ostendit. Animus, si ita dicam, se introrsum in semet quasi, spontè Naturæ, convertit, et in modum, quo nonnullæ actionum suarum peraguntur, inquirere conatur; “ gliscit enim intellectus
“ humanus, neque consistere potis est, sed ulterius petit; at frustra *.”

Cæterum,

* Bacon. Nov. Org. Lib. I. Aph. XLVIII.

Cæteram, in nullâ investigatione, mortalium conamina sæpiùs malè processerunt ; quod partim materie ipsius obscuritati, partim defectui, in eà prosequendâ, perseverentiæ et audaciæ, sed potissimùm modo, quem in usum revocamus, parùm iusto tribuendum est.

A conando etiam quælibet ex hisce obstaculis remove, non parum fructûs percipi potest : nec ullâ aliâ ratione, votis nostris plenè indulgeri posse, quàm visûs phænomena legesque explorando, ac modum quo visibilium notionem in animo excitantur, studiosissimè contemplando, probabile esse videtur. Hîc paulè ulterius progredimur ; saltem operationis progressum, quàm in ullo alio sensû, clariùs perlustramus ; ad id, quod notionem reverà prodiguit, accedimus ; varias mutationes, quæ a consuetudine proficiscuntur, notamus ; et progressû hucusque satis detecto, Naturæ abdita accuratiùs rimari licebit.

Oculi natura plerumquè parùm intellecta, a multis falsò depicta, ab aliis neglectui habita. Qui multùm temporis operæque in quibusdam notionibus opticis, a vero longè deflecentibus, quæ meherclè ad tempus præsens usque propagantur, corrigendis posuerunt, ii veram oculi structuram, magnâ ex parte, si non ex toto, ignorârunt. Contrà, plurimi anatomici, quorum industriæ structuram ejus, accuratissimè delineatam, debemus, in gradibus diversis, per quos, in imaginis formatione, percurritur, haudquaquam æquè feliciter processerunt. Et denique, IMAGO, RES, et SPECIES seu notio adeò fuerunt confusa, ut argumentum magis obscurum, perplexumque reddatur, et longiùs extra limites captûs nostri collocari videatur, quàm forsitan reverà est.

Consilio quasdam ex his difficultatibus removendi, res minutiores, structuram spectantes, colligendas curavi. Quædam ex iis, aliis in operibus, nonnunquam quidem offendi possunt ;
adeo

adeo tamen historiis, opinionibus, et controversiis involutæ sunt, ut plerumque ad eas parùm attendatur. Complures gradus, qui *ante* notari possunt, *quàm* idea in ANIMO excitatur, a se invicem et accuratè secernere; et denique unam ex operationibus ejus manifestissimis, potissimùm, quò alios, quorum labores forsan magis felices auspiciatique erunt, ad similia prosequenda accendam, explicare conatus sum.

“ Quod enim succedit, magis complaceat, at
 “ quod non succedit, supenumero non minus
 “ informat.”

Bacon. De Augm. Scient. Lib. V. Cap. II.

TENTAMEN

TENTAMEN
PHYSICO-MEDICUM

INAUGURALE,

DE

OCULO HUMANO.

P. M'LOUGHLIN, AUCT.

Oculus humanus, quo nîl artificiosius, pulchriusve, fabricata est Natura, ex tribus humoribus, tot vestimentis complexis constat. Auctores plerique, tamen, hæc in classes iterum subdividunt, quas, nominibus, præ usibus impositis, designant, propria scilicet, accessoria, et capsularia; sed ineptè hisce tunicis, capsularibus nempe accessoriisque, invo-

A

lucris

lucris nomen tribuitur, utpotè ad partes tantùm globi referentibus; quocirca propria sola tria, sclerodes, scilicet, chorioides et retina, ad oculi bulbum referenda sunt.

Ordo is simplissimus mihi videtur, in organo hocce describendo, qui a tunicis incipit, exin ad humores accedit, propterea quòd forma solidi melius quam fluidi innotescit, et ex illorum dispositione oritur horum figura permanens.

Descriptionem verò partium externarum, quæ oculo quasi præsidio sunt, præmittere, aptiùs mihi visum est, ut ex particularibus, et quasi levioribus, ad altiora advolemus.

Palpebræ, ergo, quæ oculo sunt præfixæ, plixæ sunt cutaneæ tenerrimæ, ex cute et epidermide in seipsas reflexis, cellulosa telâ densâ interpositâ, conflatae. Cutis contra seipsam iterum revoluta, super faciem globi anteriorem infertnitur, et quâ per eam pellucet albuginea cellulosa, conjunctiva audit. Experimenta et observationes talem continuationem ostendunt,

nam

nam Winflow * et Haller †, cultri acie, hunc nexum invenêrunt, et sæpe in vesiculas elevari hanc membranam videre licet, ut Albino, et Boerhavio ipsi contigit, qui inde collegit eam corneæ ipsi prætensam fuisse ‡.

Hæc membrana structurâ variâ, prout sedem variam occupans, gaudet: nam, contrâ seipsam revoluta, vasculis compluribus rubris donatur; inde, super faciem globi anteriorem præcurrens, vascula permulta in sinû suo involvit pellicula, nunquam, nisi inflammatione graviori, sanguine rubro distenta. Arciſſimo nexû huic agglutinatur epidermis, per omnem ejus cursum; et madoris ex his evaporationi, seu exhalationi, sine absorptione solitâ, potiùs tribui debet pellicula, quâ recens mortuis, cornea obtecta reperitur, quàm humori concreto, ex smegmate glandularum conflato, ut vulgò creditur.

Palpebræ pluribus inserviunt usibus, lachrymas

A 2

oculo

* Tr. de la Tete, § 274.

† Comment. Boerhaav, T. iv. § 518.

‡ Prelection. T. iv. p. 198.

oculo obducendo, corneam claram fervant, corporum exterorum nocentium, vel solutionem, vel abluionem, promovent. Denique visui ipsi aliquandò maximè ministrant; nunc enim, radios aliquos exteriores intersepiendo, circulum aberrationis in retinâ minuunt, nunc, tenebris oculum obvolvendo, pupillæ dilationi favent, quò plures, ab objecto ipso, recipiantur radii, et simul extranei, retinæ sensilitatem hebetaturi, excludantur, (in hōc tamen superciliis demissis multum adjuvatæ); sic, proximè jacentium, vel nimis remotorum objectorum, imagines pari ratione magis distinctas reddunt.

Inter plicas (externam scilicet et internam vasatam)*, palpebræ superioris, intervenit cellulosa densa, cujus ope, palpebra ossi adhæret; hæc tenerior evadit ad marginem palpebræ, sæpe verò in morbis intumescens, spectaculum horrendum præbet†. Hanc periosii productionem

* Qua nempe in seipsas reflectuntur plicæ cutaneæ. Vide supra.

† Ut in Erysipelate, Anasarca, Emphysemate, observari solet.

nem esse Winflow refert; laminam esse propaginis duræ matris inter cutis duplicaturas descendentem, et mox in cellulositatem degenerantem, dicit Zinn; sed recentior observatio illam deprehendit nîl aliud esse, nisi densam cellulositatem, munera jam dicta explentem *.

Utriusque palpebræ motus reguntur musculis levatore, orbiculari, et ciliari: horum duo posteriores eidem ufui inserviunt, palpebrarum constrictioni scilicet; prioris verò ope, a se invicem diduci possunt palpebræ. Omnes per tenues reperiuntur, propterea quòd vis minima ad eas movendas requiritur.

Quò meliùs et citiùs hi perficiantur motus, terminantur palpebræ cartilagineo margine, tarso dicto, unde fit ut vis muscularis in totum ambitum simul agat. Plurimæ sunt glandulæ sebaceæ in tarfi sulcis insidentes, quæ, extimo angulo, tot orificiis brevibus, quot plexus glandulosi inveniuntur, sebum suum excernunt.

Palpebræ

* Ita esse docet Doctor Baillie, in suis Prælectionibus.

Palpebræ, ad marginem anteriorem, pilorum feriem, cilia dictam edunt, qui extrorsum arcuati, oculum obumbrare inferviunt; horum aliquando tamen fit *introversio*, unde morbus vix quidem sanabilis, extirpatione solâ levandus.

Parte superiori, exteriora versus, et plicâ internâ palpebræ superioris vasatâ tectâ, jacet lachrymalis glandula, conglomerata, nullâ capsulâ propriâ cincta, sed ductulis perminutis instructa *; qui duplicaturam internam palpebræ, obliquè perforant, lachrymas, in oculi faciem anteriorem, mox sparsuri, ad corneam claram servandam †, denuo punctis lachrymalibus reforbendas, et muco nasali miscendas.

Puncta hæc sunt orificia ductuum ‡ in fac-
cum

* Hos primus feliciter injecit Professor Monro.

† “Ad corneam claram,” &c. Nunquam in piscibus vidi glandem lachrymalem. In testudine glans hæc ampla invenitur, et viscerum subalbidi humoris copiam excernit. Ejus structura in anfore, facile investigatur, quippe cujus ductus excretorius permagnus est, adeo ut facili negotio injici possit.

Inferviunt quoque lachrymæ ad animi pathemata exprimenda.

‡ Horum ductuum superior primò paululum ascendit, tunc
fere

eum lachrymale definientium, quo lachrymæ, postquam munera jam dicta expleverint, retentæ, demum, per productionem ejus, ductum scilicet nasalem, in nasum effunduntur, et, mucomistæ, inde eliminantur.

Saccum hunc in foveolâ oblongâ, ossè ungui, et ossis maxillaris superioris processû frontali, insculptâ, jacentem, externè ambit tunica membranæa, tenuis, nervea; ejus verò superficies interna, membranæ Schneiderianæ productio vera, pulpofa, et vasis confertis donata, reperitur. Plurimos canaliculos in eum inhiantes, exploravit Zinn: hi, quaquaversum super laminam internam palpebræ repentes, eidem forsân ufui, ac ipsa puncta lachrymalia, inserviunt.

Inter puncta, et pone palpebram tertiam lunatam†, sita est caruncula lachrymalis, plurimis

fere ad angulum rectum flectitur, et paulo post, cum inferiori conjunctus, sub nomine canaliculi communis, in saccum oblique penetrat; inferior vero, a tramite transverso vix aberrat.

† Hæc mera est conjunctivæ duplicatura in angulo oculi interno facta.

mis folliculis sebaceis conflata ; cui bono, nondum satis explicatum est. Sed palpebras, et inde puncta lachrymalia, invicem disjungit, ne contactû orificia occludantur.

Num absorptione speciali, an potiùs attractione capillari, lachrymas puncta suscipiunt, dubium ; multùm certè confert aëris pondus ; docet sternutatio, sacco sic vacuo reddito.

Sæpe regurgitant lachrymæ, vel punctis non receptæ, super genas stillant ; hic morbus vocatur *Fistula lachrymalis*, qui primò, hoc solo incommodo infestat, mox verò excoriatio oritur, unde muci, puris, denique ichoris profluvium.

Hicce morbus varias agnoscit causas, ductuum nimirùm paralyfin, vel in iis impedimenta, quæ lachrymarum in saccum ingressui obstant ; et non rarò, ex lachrymis in ipso sacco stagnantibus, denique ex internis causis, scrophulâ, lue, variolâ, oritur excoriatio, inflammatio, suppuratio, obstructio.

Si fieri potest, obstructions referantur, vel impedimenta exigantur oportet; dein minuenda est facci cavitas; huic consilio, ut plurimum, compressione, illi, injectionibus, exploratione, respondetur *, sin minùs, et adhuc profluat ichor ex punctis, vel ingravescat ejus effusio, ad medicinam chirurgicam confugiendum; cujus est, ut sanetur ulcus, et patefiat in nasum iter artificiale.

Membranarum, vel tarfi, vel omnium simul †, fit interdum inflammatio. Conjunctivæ, demum ipsius scleroticæ vasa turgent; tarfi tument; totus interea oculus rubet, et magno dolore, lucisque intolerantia simul afficitur.

Primùm, levis videtur hicce morbus, sed malè tractatus, vel sibi permissus, gravius periculum minuitur; nam, vel fit effusio in corneæ cellulas, vel nascitur cataracta, vel denique, inflammatione ad oculi penetralia ser-

B

pente,

* In quibusdam exemplis electricitas admodum profuissè dicitur.

† Ut sæpius eis serofula laborantibus observari solet.

pente, inducitur globi suppuratio, nonnunquam hydrops, unde, turbatis humoribus, visus prorsus aboletur.

Cursus morbi differt ; rarò in suppurationem transit, resolutione ut plurimùm finitur, gangrenæ vix obnoxius.

Inflammatione sublatâ, sanguini ad partes præcipuè affectas, aditum prohibendo, ejus impetum compefcendo ; humoris vitalis denique distributionem mutando, et dirigendo, debellatur morbus.

Sed prout variæ suspicari possunt causæ, consiliis diversis nitendum ; si in culpâ sit congestio, acria qualiacunque, vel mechanica, vel chemica, vel si morbus aliquis primarius, e. g. Scrofula, Lues, &c. cujus hicce tantùm sit symptoma : hæc omnia medici attentionem sibi vindicant, quippe, perspectis causis et natura morbi, sanitas optime restituitur.

Restant aliquando palpebrarum adhæSIONES, sed frequentior morbi consequentia, est cornæ opacitas ;

opacitas ; malum grave quidem, eò minùs verò metuendum, quò semper ferè histrionis inscitiae, potiùs quàm morbo ipsi, tribuendum : ob intempestivum scilicet usum refrigerantium*, plumbi præparationum, astringentium, &c. Non rarò, stimulis variis, effusio ipsa augetur, et hòc modo visui obstat †. De his verò infra fusiùs dicetur, quum de corneà ipsà agemus : interea tamen, notatu dignum, quod iridis color aliquam subit mutationem ; inflammatione verò cedente, ad pristinam speciem ut plurimùm reversurus. Interdum etiam, ubi partes internæ afficiantur, hæc coloris mutatio *solum est vitium evidens*.

Inflammatiò extendi potest ad cerebri meningés, sic lethalis evasura, ut semel Gregorio nostro videre accidit ‡. In tali casû, remediis

B 2

plùs

* Dum nempe restat inflammatio activa.

† Hæc optime et strenue monet Professor noster Rutherford in prælectionibus suis clinicis.

‡ Inflammatione et congestione diu perstantibus (eodem testante) fit aliquando Amaurosis, talen ille vidit casum, ægrotans febre correpta est : sed, cursu solito, uterque morbus sublatus est.

plùs pollentibus utendum, qualia in phlegmatis exquisitioribus locum obtinere solent.

Sed sufficiant hæc, de hoc argumento.—Ad oculi structuram recurrendum est.

Neque solis stabilimentis hætenus dictis oculus nititur; nam, ab omni parte reliquâ, orbitâ tectus, in adipe fluitat, et, pluribus musculis, mirum in modum dispositis, libratus, mobilis admodum evadit, prout has, vel illas versus partes dirigendus. Horum dotes minimè ad nos attingit seorsim enumerare, sed hîc notare liceat, ex omnibus simul contractis visum adjuvari posse, quando res vicinas contemplare volumus, axe sic educto, corneæque convexitate auctâ, quippe quæ magis flexilis, et vi a tergo obtemperans detruditur, *, pristinam formam postea laxatis musculis, ob ejus resiliendi vim, recuperatura.

Tali fede, talibus quasi vestimentis ac præfidiis gaudens, arte prorsus divinâ constructum est

* Adipis ope, intra orbitam, parti oculi posticæ incumbentis; pressus per humores, ad interiorem corneæ superficiem delata, eam extrudit.

est organon, cujus ope, non nisi summâ voluptate, externa contemplamur, et omnibus ferè vitæ gaudiis fruimur : Fabrica intima, mox perscrutanda, magis adhuc, nobis admirationem movebit.

Formâ sphæram ferè refert, vel potiùs, duo sphærarum inæqualium segmenta disparia, sibi invicem apposita ; quamvis etiam, in statû remisso, antè, quod et minus est, ad formam ellipticam, vel parabolicam potiùs tendit.

Non solidum, uti primo intuitû videatur, sed, ut jam jam monuimus, ex tunicis variis, in cameræ circummunitæ speciem, fit, humoribus diversis, (sed minùs invicem discrepantibus, quàm in genere fertur), impletæ. Horum ope, radii lucis, ex quôvis corpore externo, vel dimanantes, vel reflexi, in focos tot congregantur, quot puncta lucida externa sunt *, imaginem in oculi fundo, rem externam referentem, depicturi.

Ex

* Scilicet spectata.

Ex illis tunicis extima, *SCLERODES* dicta, segmentum majus posticum refert, a tergo tamen, interiora versùs, nervo optico terebratur, et ad segmentorum supradictorum commissuram, extenditur usque; hîc loci, in fulco cuneiformi, ejus ambitû infossò, recipit segmenti antici, seu *Cornææ*, marginem acuminatam, et mirabili aptitudine in eo infixam: alia quoque junctio, obliqua scilicet, eâ ratione verò, ut cornææ laminæ, quò interiores, eò altius intra sclerodem descendant, aliquando invenitur.

CORNEA, segmenti anterioris limes, ad lucis radios transmittendos, perlucida, invenitur; in laminas plurimas distingui potest, inter quas tela cellulosa interjecta, facit ut adhuc dividatur in areolas seu cellulas, fluido ejusdem ubique densitatis* ebrias, in morbis verò sæpe vacuas redditas, vel lymphâ congestâ infarctas

* Hoc ad perlucendum necessarium esse docet, deleta peluciditas vitri, in pulverem redacti, non nisi liquando, aqua, cum vini spiritu agitatae, non nisi commiscendo, frigore concretæ, non nisi regelando, recuperanda; par est ratio, cur papyrus, oleo inquinata, tranfluat.

tas et opacas. Illa altera verò, Sclerodes, partibus internis, five tunicæ, five humores in iis contenti, sint, suffulciendis *, figuræ conservandæ, musculis sustinendis, vasis † fulciendis, inservit.—Duabus laminis constat, exteriori, sclerodes propriè dictâ, non verò, ut fertur, duræ meningis propagine, ‡ et interiori, piæ matris laminæ externæ continuâ, quæ, adlata cùm nervo optico ad retinæ originem, ab internâ secedens, reflectitur, et indè in seipsam revoluta, ad sclerodem veram exteriorem intus oblinendam provehitur, eisdem ac illa fines agnoscens.

Cornea,

* Hoc liquet ex ejus in variis animalium classibus diversitate; nempe, in genere Cetaceo, ex fibris tendineis quaquaversum se porrigentibus, et inter se commixtis, constare, aliquando ossea videtur. In asello, ex cartilagine conflata, in pluribus avibus et piscibus, mollis apparet, ut testantur Morgagni et Zinn. Vid. Morg. Epist. XVI. Vid. quoque Zinn in Comment, R. Soc. Gotting.

† Eam perforant arteriæ ciliares, aliæ juxta nervum opticum, aliæ prope corneæ sclerodisque commissuram; aliæ denique tenuissimæ, ejus faciem extimam pingunt. In parte media, pertranseunt venulæ, ciliares nempe, mox in ramos plurimos, in modum arboris, diducendæ; has comitantur nervi ad iridem tendentes.

‡ Docet maceratio, vel culter ipse, denique ejus structura in variis animantibus dissimilis.

Cornea morbo *opaca* reddita, uti suprà memoratur, ad munera propria exequenda inepta fit, et inefficax, ita enim radiorum transmissioni obstat : inde, non fieri potest, quin oculus in tenebris versetur.

Vel maculis obfessa apparet cornea, vel suffusâ albedine obducta, conchæ instar Perficæ, vel curvato tramite opacitas se prodit : qui omnes affectus, ex fonte eodem profluxi *, simili modo reprimendi, vel arcendi sunt.

Consilia generaliora, de quibus superiùs dictum est, hîc retractare liceat ; scilicet, ut inflammationi obstetur, dein ut cursus sanguinis mutetur, denique resorptio redintegretur.

Primum absolvitur consilium regimine anti-phlogistico. Multùm certè valet venæsectio ; rarò tamen celebranda, et non nisi ægro febricitante, vel aliquâ systematis commotione instanti. Sin aliter, opportunæ sunt sanguinis missiones,

* Scilicet, ex lymphâ effusa et inspissata, partibus ejus subtilioribus in massam denuo resorptis.

missiones topicæ ex partibus scilicet vicinis, quales curcubitulis, aut hirudinibus provocari solent; sic enim imminuitur sanguinis impetus, et vasorum distentio præcavetur, valdè quidem metuenda, quippe quæ facit, ut, relaxatione inductâ, ad morbos alios graviores, amaurosim ipsam, oculus proclivis reddatur. Huic verò consilio apprimè fit ipsius conjunctivæ scarificatio, quæ totum corneæ ambitum vestigare debet *.

Vasis exhaustis, sanguis ad alias partes alligendus est, quod optimè fit vesicantium ope, sic enim, pars externa exardescens, interioris vicinæ inflammationem demit †. Porro, ex stimulo suo, absorptionem itidem haud parum cient.

Aborptioni variis modis favendum est, præcipuè verùm, ex medicamento præparatis; ex his
 C. feligere

* Aliquando post talis operationem, unguenti citrini applicatione curatio periturus ut docet Cruickshank in suis prælectionibus.

† Inde eorum utilitas in Pneumonia, Rheumatismo, Gastrite, &c.

feligere juvat Calomelas, et Hydrargyrum muriatum corrosivum; illud, in morbo recente, hoc in leucomate inveterato, plus pollet; sæpe verò alterum alterius subsidio vocatur, et optimè.

Quandoque mercurii actio haud parum incitatur stimulis variis, vesicantibus scilicet, electricitate et similibus *.

Dum recens est inflammatio, præparatis ex plumbo, collyriisque astringentibus cautissimè utendum est, his enim sæpe cornea fit opaca, pelluciditatem nunquam recuperatura. Sed inflammatione imminutâ, talia multum certè adjuvant.

Aliis aliquando remediis uti oportet, Cauterio scilicet, Escharoticis variis, denique cultro †, sed hæc minimè hîc loci. Tunicam igitur

* Alia addi possunt e. gr. Pulsatilla nigricans, Aconitum, Belladonna, quibus vero parum fidendum est, at aliis tamen deficientibus, talibus utamur, non abs re foret.

† Scilicet quum oculus ipsum secari, vel etiam excari, vel ejus abscessum aperiri necesse sit.

igitur nunc mediam oculi aggrediamur in præfens est.

CHORIOIDEM, infra jacentem, eosdem terminos agnoscentem, et sibi, ad *Orbiculum ciliarem* *, adnexam, amplectitur sclerotica. Hôc nomine donatur, ob vasa ejus confertissima; quibus vehendis, et regulariter disponendis, infervire, saltem hôc præfertim munere fungi videtur: forsan, ut eò magis sensilis evadat subjacens retina; nam hæc duo systemata, nervosum nimirum sanguiferumque, sibi, per totum corpus, invicem ministrant.

Illinantur utræque ejus facies pigmento nigro, quod dilutius in ejus superficie convexa, intensius verò ad internam concavam, quæ retinam spectat, reperitur: et eò quidem intensius quò anteriora versus porrigitur. De ejus usû augurantur plurimi, quòd, radios

C 2

reflexos

* Scilicet intra corneæ ambitum, ad commissuram illam jam dictam.

reflexos suffocando, vetat, ne imago per reflexiones repetitas turbetur. Huic forsan adjicere liceat, quòd lucem quasi absorbendo, calorem sic aliquantulum auget, quò nervi retinæ magis adhuc* concitentur.

Sunt qui hoc pigmentum membranam veram esse volunt, sed nil aliud nisi secretio videtur, ex vasis scilicet chorioidei; non fluidum tamen, sed valde tenax et inspissatum reperitur.

Deest in animantibus aliquibus, cuniculis, viverris, et eo hominum genere, qui Albi Æthiopes vocantur. Generaliter quò magis ad albedinem vergit capillitii color, eò minus fuscum reperitur pigmentum: quod in eodem etiam homine valet, diversis vitæ stadiis, nam, ingravescente senectute, pigmentum dilutius evadit.

Chorioides

* Huic opinioni non repugnat, quod in felibus et animantibus magna irritabilitate præditis, nullum fere invenitur pigmentum.

Chorioides non est piæ matris propago, sed specialis oculi tunica. Docet maceratio, dissectio, denique analogia; nam vascula nulla ex pia matre recipit, nisi prius perforatâ, vel salutatâ sclerode, quod repugnat vaforum extensioni, in omni reliquo corpore, in propagines membranarum, ex alterâ in alteram decurrentium.

Ex vasis, tum arteriosis, tum venosis, et nervulis inter se intertextis, et sibi cellulositatis ope alligatis, componi perhibetur. Talem ordinem narrat Zinn, indiciis admodum accuratis elicited; nam, Chorioide injectâ, faciem ejus convexam arteriis ciliaribus, tam brevibus quam longis, nervulisque ciliaribus, fabricatam comperit, interiorẽ verò ex vasis venosis, vorticosis dictis, pone ciliares arterias breves latentibus, conflata: hæ enim citius chorioidei faciem internam petunt, et recto itinere supra vorticosas venas scandentes, anteriora versus incedunt; ipsæ verò reticulo vaforum exquisitissimorum vestiantur, ex quo flocculi brevissimi, pigmentum forsitan secernentes, emicant.

Primo

Primo aspectû, mirum videretur quòd, quamvis oculi fundus sensû acriori præditus fertur, vascula tamen nulla in chorioidei superficie internâ posticâ *, dum plurima, anteriora versus, in lamellis ejus ex vasis vorticosis, ciliaribusque brevibus, conflatis, reperiuntur †. At, infantis chorioide feliciter injectâ, nullum annuli ‡ vestigium relinquitur, plurimæ tamen arteriolæ ibi decurrunt, ordine confertissimo, sibi fere parallelæ, hîc et illîc furculis ex vasis vorticosis sese immiscentes, et mirabili modo obductæ reticulo pulcherrimo vasorum, simili, magis verò densato, ac illud rete suprâ memoratum §; hoc anteriùs progressum, laxius evadit, et prope orbiculum ciliarem penitùs evanescit.

Ipsi Zinn adstipulari noluerim, qui chorioidem laminatam esse negat, propterea quòd
nulla

* Nempe inter nervum opticum et ciliarium brevium ingressum undique.

† Ex quibus verisimile videretur chorioidem ad retinæ sensilitatem nihil conferre.

‡ Scilicet Areæ talis circularis. Vid. supra *.

§ Vid. p. 21.

nulla tela cellulosa in eâ deprehenditur, hõc nimirum, ab omnibus C. H. partibus lamellatis discrepante, inter quarum laminas semper invenitur membrana cellulosa *. Sed adesse quit fabrica cellulosa, nunquam, vel microscopio plurimùm augente, detegenda, et, quum ex analogia solâ instituantur quam plurimæ opiniones anatomicæ, liceat eam huc usque transferre, nam fabrica Chorioidei lamellata, in plurimis animantibus, equo scilicet, bove, cervo, ove, leænâ, balænâ, et quot non aliis, nobis argumenti fatis esset lamellatæ Chorioidei structuræ in homine †.

Ad orbiculum ciliarem, ubi in minorem diametrum se constringit Sclerodes, Chorioides, hætenus semper illius vestigia premens, plicatos nunc arcus incurvans, a Sclerode discedit, intusque, axim oculi versùs, iter flectens, magis, magisque corrugatur, eâ ratione quâ procedit.

* Vid. Oculi humani descript. cap. ii. sect. i. § viii.

† Ex certissimis observationibus constat equinam chorioideam ex duabus laminis conflata esse, quarum vascula diversos tenent cursus, cellulositate sibi invicem adjunctis.

cedit. Hæ rugæ seu plicæ, ex plurimis vasis Chorioidei, mirè intertextis, et pigmento nigro obductis conflatae, annulum, seu velum quasi centralitèr pertusum, sub nomine *Corporis ciliaris*, simul referunt; seorsim verò inspectatae, *Processus ciliares* vocantur.

Paulò ante * orbiculum ciliarem, alter surgit annulus membranaceus, Iris nempe, medium circitèr perforatus, et corneam curvatam subtendens; superficies ejus anterior, quæ corneam spectat, papillis versicoloribus instructa, nomine proprio iridis, inde insignitur, postica verò facies, pigmento obducta, *Uvea* nuncupari solet.

Foramen *pupilla* audit, quæ, prout latior constrictione invenitur, plus minus lucis retinæ admittit, pro ut res postulant †.

De

* Sulco accrescit, quo accurate ponantur limites inter corneam et sclerodem, ubi nempe lamina sclerodis interior definit.

† Hoc notum fuisse Arabibus Rhazes testatur. Galenus quoque de eo mentionem facit. Primo innotuisse Achillino fertur. Vid. Priestly's Hist. of Light and Colours,

De iridis structurâ, diu, inter omnes ferè anatomicos et physiologicos, et quæsitum, et decertatum fuit. Alii eam muscularem esse, alii, ex vasculis componi voluerunt : his, ex sanguine in vascula hæc incitatiùs remissiùsve influente, ejus motus pendere ; illis vero, pupillæ coarctationem muscutorum ope * perfici, videbatur.

Ex observatis constat, iridi, plurimâ ex parte, adesse structuram vasatam, et fortassè, stimulo proprio adhibito, (luce nempe), sanguis in ejus vascula irruit, non secùs ac in penis corpora cavernosa, genarum vasa subcutanea, (suis propriis stimulis) cogitur : hîc citissimè tamen, quia vix, quo minùs ingrediatur, renixus nullus obstat †.

D

Contrâ,

* Quorum duos volunt esse ordines, alteri ex ambitu centrum versus, radiorum instar tendunt ; alteri, annuli instar, in circulo iridis minori dispositi, sphincteris munus explent.

† Professor Blumenbach autem se comperisse testatur, iridem eo tenuiorem evadere, quo magis constringebatur pupilla, quod huic hypothese repugnat, nam si pupillæ diminutio ex sanguinis influxu penderet, patet iridem tunc crassiorem fieri debere.

Contrà, quanquam aciem anatomicorū prorsus effugisset fabrica muscularis, variâ licet administratione in eam indagandam adhibitâ, tamen, ex analogiâ verisimile est iridem tali mechanismo gaudere, nam quò magis motus musculares ciendi sunt in aliquâ parte, eò plures in illam partem impendi nervos, bene notum * : ideoque, cum iridem mobilissimam videmus, et nervis plurimis donatam, nihil abest quin ad credendum eam esse, ex parte faltem, musculosam, adducamur †.

In

* An extendere liceat hanc analogiam ad retinam? quæ, ob plurimas alias causas etiam, indole musculari prædita fertur.

† Iris vero stimulis variis, qui musculorum irritabilitatem in aliis partibus cient, non parere dicitur, nec mechanicis, nec chemicis, nec electrico fluido, denique vi Galvanianæ. Hæc tamen iridis immobilitas pendet forsan, ex eo quod ejus musculi tenuissimi, irritabilitate sua facile privantur. In eam sententiam haud parum certe confert quod ipse in Squatinæ oculo vidi; nam, dum adhuc vivit animal, si cornea amputetur, et si eliciantur ex iride scintillæ electricæ, vel quævis ejus pars succussu levi electrico moveatur, *illius* contractio evidens apparet, quæ sæpius in *eadem* parte excitari nequit, in *diversis* potest. Simile est experimentum, in oculum alius animantis, magna quoque irritabilitate præditi, factum. Si enim oculus Felis, jam recens mortui, igni admoveatur, astringitur pupilla, si dein amoveatur, dilatatur; oculo igni

In animantibus aliquibus, fele scilicet et psittaco, ejus motus ex arbitrio instituuntur, secùs ac in homine observatur.

Ob iridis motum liberum, patet eam esse planam, vel, si convexa sit, fibrarum, si adsint, contractione, in planum reduci; porrò, si, ex irruente sanguine contractior redderetur pupilla, iris non posset esse convexa; nam vasa impleta, recta vel rectilinea fierent, quod diametrum circuli minoris augeret, contra hypothefin. Convexa apparet ex adverso spectanti, quem nimirum, radii plures ab interno, quam ab extimo ejus margine, pertingunt: hi enim ab externo scilicet margine provenientes, et in aëra refracti, citiùs axem secant, et utrinque extensi, spectantis oculum effugiunt, quem radii centrales confertim adveniunt, quò fit, ut lucidior, ideoque eminentior pars interior videatur: in morbis verò, convexa redditur, non rarò concava.

Inter

igni rursus exposito, eadem in rimam angustissimam agitur, et sic, repetitis vicibus, ut ne dubium relinquatur, quin ex caloris irritatione phænomenon hoc ortum fuerit. Hoc testatur Cruickshank in Præl. suis.

Inter propria oculi vestimenta retinam enumeraverimus; de quâ nunc agendum.

RETINA, oculi tunica intima, cui oculi, quatenus visus organi, sensibilitas ex toto debetur, totam sphaeram concavam globi posticam intus oblinat: juxta vero fundum oculi, nasum versus, ubi scilicet ingreditur nervus opticus, insensibilis observatur*. Ejus faciei convexæ et chorioidei interjicitur pigmentum nigrum. Facies altera, quâ cavum oculi spectat, pulposa est, et fit ex medulla nervi optici, per foramina

nula

* Jam olim, ob hanc insensibilitatem, visus sedes a retina ad chorioidem translata est. Sed pluribus difficultatibus versatur hæc opinio, ne dicam de analogia, ex nervorum sensibilitate. Porro, aliquid *aliud* peculiare in retina ipsa hic accidere potest. Pro certo constat, arteriæ retinæ centrali, ramisque ejus quaquaversum divergentibus, et præterea cellulosæ telæ, majorem inesse rationem ad nervos, ibi loci quam in aliquæ alia retinæ parte. Et conclusio illorum tantum valeret, si pars aliqua chorioidei sensibilis reperiri posset, sine ulla retina. At, contra, ex Doctoris Garnett experimentis, pars retinæ insensibilis, probatur esse minor, quam illa quam nervus opticus tenet; est ergo pars *retinæ* sensibilis, *sine* chorioide. Denique, cum notum est retinam in hystrice, phoca, et pluribus piscibus, centraliter nervo suo perterebratam esse, si ea pars sensus expers esset, objecta decurtata vel maculata illic videantur oportet, quod saltem non verisimile est.

nula plurima laminæ circularis † piæ meningis, tranſeunti, hinc quaquaverſum ſuper corpus vitreum expanſa; altera verò (cui et chorioidei intercedit mucus niger) fibrata: hanc reticulatam eſſe nonnulli ferunt anatomici, et ex vasis præcipuè conflatam, inter ſe, et materiæ pulpoſæ ſeu medullari, ſubtiliſſimæ cellulofitatis ope adnexis; ſed nulli contigit reticulum, ex omni ejus parte, materiâ ceraceâ impleviſſe. Hinc retina videtur eſſe tunica, ex vaſculis confeſta, medullari ſubſtantiâ obductis, et cellulofitate ſubtiliſſimâ ſuſtentis.

Ex

† De origine hujus laminæ vel omnino tacetur, vel parum diſtincte auctoriſcribitur. Le Cat piam matrem, ad nervi ſummam contractionem in duas laminas dividi aſſigmat, quarum altera ſclerodem obliniſcit, altera in chorioidem abit; ſed de lamina hac cribroſa reticetur. Zinn de lamina cribroſa loquens, dicit eam eſſe piæ matri continuam, quod repugnat ejus verbis, de interna ſclerodis lamina, quam refert eſſe piam matrem in toto reflexam ad ſclerodem oblinendam.—Quantum ex oculi ſectionibus et microſcopio obſervatis colligere potui: res ſe ſic habere videtur. Pia mater, poſtquam ad ſclerodis interiora cum nervo adlata eſt, in duas lamellas inæquales ſinditur, quarum exterior craſſior circumcirca reflectitur, et mox ſclerodi ſubſternitur; interior vero tenuior ſe intus vertit, nervi axim verſus, arcuato itinere (convexa qua oculum reſpicit) pluribus foraminulis pertuſa; ad foramen autem centrale, quod et maximum eſt, in ſeipſam reflectitur, et illius foraminis, marginem tumidulam format.

Ex D. Darwin experimentis, infertur ei inesse, partim faltem, vim musculofam.

Rupta, nunquam margine tumidulo lævi, muci instar, sed potius ferrata, fibris extrà tendentibus, apparet. Hoc autem ex reti vasculoso forsan oritur. Ex sequentibus præcipuè deducitur Darwinii sententia.

Nimiâ vel crebrâ excitatione, imminuitur ejus vis, sensibilitasque. Modicâ verò exercitatione, ad munera fungenda aptior evadit.

Illud docent spectra tenebrofa, et insensibilitas, postquam lucida diu intuiti sumus. Hoc verò liquet ex casibus *, quibus, uno oculo deleto, lippiens alter, hætenus prorsus neglectus, nunc verò in auxilium iterum petitus, ex usû multùm profecit. Simile aliquid in musculis observari licet, nam contractio nimia eorum Paralyfin gignit, et convalescenti sæpe multùm prodest, musculos suos ad contractiones modicas

* Tales narrat Gregorius in prælectionibus suis.

dicas vel ciere, vel de eorum actione etiam cogitare.

Retina, aliquo lucis genere diu incitata, in contrarium quasi sponte secedit. Ita musculus diu contractus, vim suam moventem demum amittit, adversarius se contrahit, oritur pandiculatio.

Stimulo suo, non secus ac musculi, afficitur retina, nec hujus, citius quam illorum, perficitur actio, quandoque etiam tardius; inflammationi pariter obnoxia est, et inflammata, non nisi magno dolore, usurpatur: ejus sensibilitas nunc augetur, nunc minuitur, immò perditur: pro vectâ denique ætate, languescunt ejus vires.

Neque satis est contrà, fibrarum muscularium indagacionem quod attinet, talem fabricam microscopio etiam, nunquam in eâ detectam fuisse; quod objiciunt vel qui iridem muscularem esse volunt, in illam sententiam analogia solâ allekti, quanquam tales
fibræ

fibræ nunquam ibi repertæ fuêre. Sed utraque opinio iisdem premitur difficultatibus.

Missis igitur omnibus circa rem adeò obscuram disputationibus, his tantummodo ut conjecturis propofitis, ad morbum ejus gravem quidem perfugimus : paucis tamen interea de retinæ dotibus præmonitis.

Hæc tunica ergo, ultimum visûs organon, ad imagines oculi humoribus figuratas, recipiendas datur ; hæ verò ex punctis plurimis seu *focis*, in quos colliguntur radii per humores oculi varios refracti, constant, *tot* numero, *quot* puncta visibilia objecti externi quod intuemur, iisdem etiam coloribus imbutis, atque ita rem externam adeo referunt ; unde imaginis nomen, quæ ergo quasi focorum summa est aggregata. *Ex imagine in retinam ritè depictâ*, modo sanum fit organon, oritur species visibilis, quæ rem externam indicare dicitur. Hæc de re multum inter Metaphysicos disputatum est ; nempe, “ An imagines ex spiritû fluunt ? “ ideoque an objecta aliter ac in mente existunt

“ tunt, vel eorum esse est percipi *? an contrà, res externas materiales referunt?” Sed minimè hîc loci talis verborum controversia et jaclatio.

Morbus de quo nunc agendum, cui nomen *Amaurosis* datur, retinæ insensibili tribuendus est, unde fit, ut licet imago perfectissima in oculi fundo depicta sit, nulla oriatur species visibilis, et oculus, quanquàm parum mutatus videtur, haud amplius ad sua numera valeat. Hoc in morbo confirmato tantùm, nam plerumque lento gradû invadit, et initio maculæ nigræ, quandoque puncta lucida, præ oculis apparent, haud rarò duplex oritur visio †.

E

Dixi

* Vid. Berkeley—*Principles of Human Knowledge*.

† Objectorum lucidorum itidem impressiones diutius manent, et inde, talium aliquando spectra plura, indiscreta licet, in unico etiam oculo videntur; quia, ob oculi motum vix cessantem, impressiones ex eodem objecto se invicem sequentes, in diversas retinæ partes, et per tempus aliquod manentes, faciunt ut multiplex oriatur visio. Par est ratio, cui, sub morbi initium, colores errantes percipiuntur, scilicet, torpescens retina radiis quibusdam tantum movetur.

Dixi "*parum mutatus*," quia sæpiùs, in hoc morbo, accidit oculi vitium evidens, nam, vel oculi motus solito tardiores et abnormes fiunt; vel oculus ipse tremore quodam agitur; vel pupilla dilatata et immota apparet; vel in diametrum minutissimum constringitur, (iride nonnunquam quasi pessulis transversis firmatâ): vel denique humores subalbidi videntur.

Causas tales, ex qualibus ortum suum Paralysis ducit, superadditis sibi propriis, pro suis agnoscit. e. g.

1mo, Causæ omnes, quæ paralysem inducunt aliis partibus, si in cerebrum agant, oculum hîc morbo afficere possunt.

2do, Nervo optico compresso, vel fauciato, vel eroso, talis oritur eventus.

3tio, Quæ in retinâ inflammationem excitant, qualia sunt ictus, vulnera, et similia, hunc morbum asserre possunt.

4to, His addi possunt quæ totum systema, vel partes ejus tantùm vexant, Plethora scilicet, aut Relaxatio, Sympathia etiam. Hinc ex ophthalmia sæpe proficiſcitur Amauroſis : Cataractæ itidem proles, haud rarò parens etiam extat.

5to, Denique quæ Retinæ ipsius vim primarie minuunt vel disperdunt, nempe Lux vivida, Fulgur, Oculorum nixus nimius, et similia.

Sed tam variis, sæpiùs ignotis causis, oritur morbus, nil mirum si curatio ejus tam rarò perficiatur. Medendi ratio, empirica sanè, frequenter mutanda est, prout ex hâc vel illâ, majorem minorem fructum percipimus.

Imprimis verò, minuenda est, si adsit, plethora, omniaque congestioni vel compressioni faventia : deinde retinam sensilem reddere, vel concitare ; causam denique remotam, si inveniri possit, tollere contendamus.

Consilium primum, optimè expletur evacuationibus. Sanguinis scilicet missionibus, catharticis, (*modo adfit plethora*): sin minùs absorptio cienda; simili modo ac in Hydrocephalo interno huic respondetur consilio.

Morbo recenti Calomelas, quà evacuans, optimè absorptionem promovet; in Amaurosi verò diutius persistente, eodem remedio, quà deobstruente potius, debellandus est morbus. In priori casû, dosi plenâ, hâc verò, dosibus refractis, exiguis, sæpiùs iteratis, cautè admodùm, ac manû suspensâ adhibeatur oportet.

Ne Ptyalismus superveniat, præcavetur, catharsim levem subinde provocando medicamento quolibet idoneo.

Et hæc sunt, quibus primo consilio præcipuè respondetur; quod ad secundum attinet.

In omni morbi stadio, Exulcerationes, cùm evacuatione, tum stimulo, plurimùm pollent*: præsertim

* Docent eorum usas in glandulis lymphaticis obstructis resolvendis, et quoque in hepatitide chronica.

præfertim si prope partem affectam, temporibus scilicet, vel fronti, vel pone aures infideant.

Ob mirum, qui intercedit nexum et consensum, nares inter et oculum, Errhina medelæ multùm sæpe conferunt; sed autem sternutatoria valde nocent, quippe quæ caput concutunt, et morbum ipsum graviolem inde reddunt.

His addere placet, ignem electricum, stimulum præpotentem sanè, curationi, modo catè administretur, multùm sæpe adjuvare: pari consilio, Arnicâ, Capfico et similibus, in hõc morbo utuntur medici.

Consilium tertium varie in variis expletur, quippe quod ex causæ remotæ notitiâ omnino pendet.

Hæc hætenus; redeo ad fabricam.

Sphæra concava, jam descripta, tribus impletur humoribus pellucidis, quibus singulis sua
convenit

convenit densitas, sua quoque figura, omnes verò eundem in finem conspirant.

Horum unus, longè maximus, VITREUS scilicet, in cameræ parte posticâ sedens, omnem locum obtinet, ab oculi fundo ad corpus ciliare usque. Paululùm à formâ sphaericâ truncatâ abludit, ita tamen, ut in ejus parte anteriori, medium versus *, relinquatur foveola, in quam descendit lentis crySTALLINÆ facies posterior, tantùm fere extantis quantum in vitrei substantiam sese demergit : adeo ut, lente insitû manente, ambo simul induant formam, fati similem ei, quâ oculi bulbus ipse gaudet.

Componitur ex tenuissimâ cellulositate, in areolas minutas dispositâ, invicem patentés, et tunicâ propriâ, *vitrea* dictâ, amicitas. Harum magnitudo varia ; quò enim interiorē, lentem versus, situm tenent, eò minores evadunt ; omnes liquore pellucido translucent, ejusdem ferè densitatis ac humor aqueus.

Ubi

* Naso scilicet paulo propius.

Ubi Chorioides in plicas se colligere incipit, ibi tunicæ vitreæ subjacenti accrescit membranula quædam, ei, in ambitû, arctissimè agglutinata; sed leviter ac solutè ei recumbens, in omni reliquâ ejus parte. Hæc membranula, super vitrei faciem anteriorem scandens, lentis circulum maximum antevertit, et in ejus capsulam immittitur; paulo anteriùs: ita ut inter eam membranulam, capsulasque tum lentis, tum vitrei humoris, intercludatur spatium triangulare curvilineum, “ *Canalis Petitianus*” scilicet, ab inventore dictum; membranula ipsa verò “ *Zona Ciliaris*” audit.

Plicæ ciliares, quæ, relicta sclerode, intus se committunt, Zonæ huic instratæ, (ei verò, interjecto pigmento, alligatæ), radiorum instar, lentem versus tenduntur, et hujus convexitatem anteriorem petentes, fine libero, pendulo, aliquando bifido terminantur; ultra zonam verò porriguntur, adeo ut earum extremitates lentis capsulam à tergo sibi contiguam habeant.

LENS Chryſtallina, humore vitreo paulò denſior, utrinque convexa, fabricâ donatur ſquamofâ, vel ex nucleis conflatur, cellulofitate ſibi adnexis: hi rariores ad ambitum, quò magis verò ad centrum vergant, denſiores inveniuntur.

Hâc ſtructura, errores ex formâ lentis oriundi minuuntur, non quia, ut vulgò fertur, radius quiſque, quò axi prior, eò in partem ſuperficieï ejus denſiorem impingit, nam in hoc, talis ſolummodo valeret fabrica, quâ ſcilicet, innumeri tubuli cylindrici concentrici, (nempe quibus omnibus fit axis communis,) alii aliis contenti, ita ſint ordinati, ut cujuſque denſitas inverſam ſervaret diametri rationem, quorum verò altitudines tales eſſent, quales ad figuram lentis efficiendam poſtularentur, cujus axis, idem eſſet ac ille communis cylindrorum, et in oculi axe locaretur. (Vid. infra pag. 55.).

Sed lens ſquamofa, talis ac humana, alii, et longè præſtantiori infervit commodo, ita enim
mediorum

mediorum densitates, ad eorum limites, ubi scil. se mutuo attingunt, æquales ferè evadunt, et reflexio tantùm non deletur; etenim quò magis invicem, refringendi vires, in mediis vicinis, discrepant, eò ægriùs, ab altero in alterum, lucis radii transmittuntur, cæteris paribus.

Lenti toti circumducitur capsula sua, inter quam et lentem latet aquula. Capsula, lensque ipsa donantur, et nutriuntur, arteriâ *, nervi optici nimirum centrali, cujus, quidam ramuli, rectà ad lentem †, per humorem vitreum, cui in cursû ramusculos tradunt, feruntur; alii autem in retinam impenduntur.

Quidam olim anatomici putabant, lentem omnis quasi cum corpore reliquo nexûs fuisse expertem; et vegetabilium ritû, ex aquulâ scilicet circumjectâ nutriri: quæ verò fictio sponte

F corrui,

* Hæc, dum in orbita latet, ophthalmica dicitur, sed paulo ante nervi ingressum, in ejus substantiam se demergit, propria vena comitata, mox *centralis* evasura.

† Alii super capsulam repunt, alii vero illam perterebrantes, in lentem ipsam se demittunt.

corrui, postquam vasa in lentis substantiam permiscantia, inquisitio accuratior exploraverat.

Quin et minimè placet, quod nuper de istâ aquula conjiciebatur, cam scilicet, ex vapore post mortem densato, provenire : nam si lentem inter et capsulam intercederet vapor, inutilis ferè redderetur squamosa illa lentis fabrica, adeo mirabilis et artificiosa : non solum enim quatuor essent reflectiones, inter humorem aqueum vitreumque, sed qui radii transmitterentur, bis ab axe in hunc decursu divergerent, oporteret. Theoria igitur illa, ingeniosa admodum licèt, deferenda ; reverâ, vel extat per vitam aquula ipsa, vel forsan ex lente, post mortem concretâ, exprimitur, quod verisimilius esse videtur.

Sæpe ex morbo, opaca fit vel lens, vel ejus capsula ; hoc *Glaucoma* audit ; oritur aliquando ex inflammatione ad oculi penetralia serpente ; sed sæpiùs, ex iisdem proficiscitur causis, ac Amaurosis, quam lentis opacitas comi-

tare

tare solet ; haud rarò altera alteram gignit, prænunciat, prægreditur.

Prout variatur causa, medela ipsa variationem etiam concipit. Vel inflammatio arcenda, vel congestio tollenda, vel absorptio cienda, vel denique ad operationem chirurgicam fugiendum est.

Deprimi vel extrahi solet lens. Extractioni verò meliori jure fidendum, sed nonnunquam vel operatio ipsa non solum non utilis, sed etiam multum nocet. Imprimis vetant lentis adhæsiones, et retinæ torpor, vel amaurosis ; hæc pupillà patulà immobili, (luce inter iridem et lentem admittà) dignosci potest ; si autem contrà, ægro a tenebris in lucem educito, nulla fiat pupillæ contractio, sed iris immobilis maneat, adhæsiones metuendæ : aliquando verò, in tali etiam casû, felici eventû lens extracta fuit.

Memini me semel vidisse, puris magnam copiam, in humoris aquei camerâ contentam,

denuò reſorptam. Haud abſimilem modum cataractæ reſolvendæ quidam propoſuère, aculeum ſcilicet, iridem inter et lentem inſinuando, hujus verò texturam delendo, ſic inflammationem, et abſorptionem inducendo.

Adhuc ſupereſt, ut de reliquo humore, *AQUEO* ſcilicet, pauca differeamus.

Hic humor omne tenet ſpatium à lente, corporeque ciliari ad corneam uſque; neceſſariò in duas cameras dividitur, anticam, inter corneam et iridem, poſticam, inter lentem uveamque limitatam.

Hæ vero cameræ, in fœtû diſjunctæ ſunt, membranæ ope, tenuiſſimæ, *pupillaris* dictæ, in quâ vaſcula exilia ludunt, vaſcula nempe ex iride in eam continuata, quæ rectà, membranæ centrum petunt, ſed priùſquàm illud pertinxiſſent, reflexæ, ſpatium quoddam circulare in ejus medio relinquunt vaſorum exers, vel in quo, ſaltem *adhuc*, nulla vaſcula viſa ſunt.

Ad

Ad hanc membranam usque, extenditur alia, a ciliaribus plicis missa, quæ vasata quoque reperitur, et conum cavum truncatum refert, cujus basis lentem spectat. Hæ verò membranæ binæ, duos circiter menses ante ortum, evanescent, vel in massam resorbentur*.

Aqueum humorem suppeditant villi arteriosi ciliarium processuum, et tam pleno rivo, ut de integro renovari intra dies binos possit.

Hujus ope præcipuè, refringuntur radii lucis, sed aliquantum † adjumenti recipit ex lentis, vitreique ministrationibus.

Plurimum

* Aliquando vero, longum tempus, etiam post ortum manet pupillaris membrana, testante Cruickshank. Similis occurrit casus Domino Cheselden; hic, ad vitium tollendum, membrana, in modum crucis vel transversim dissecta, admissa est lux et æger visu potitus est.

Testante etiam Cruickshank, humor aqueus obducitur *capsula propria*; sed verisimile est, membranam, quam ipse se vidisse narrat, morbo alicui ortum suum debuisse: saltem, si adfit, eam tenuitate pariterque elasticitate summa ac vix quidem concipienda præditam fore, necessarium est: aliter et radiorum transmissio, et iridis motus impediuntur, oportet.

† Aliter se res habet in piscibus, nam inter eorum aquei humoris,

Plurimum infervit ad visionis scopum amplificandum, quamvis plerique sibi persuaserunt, usum ejus non in hoc versari, sed potius ad radios excludendos valere; scilicet, radiorum condensatione, plures radii excludi possunt, datâ iridis contractione, quàm si nullus adesset humor aqueus,—in eo verò peccantes, quòd obliti sunt, radios tam *internos*, quàm *externos*, densatos esse, ergo numerum *transmissorum* radiorum *auctum iri*, aquei ope: porro, quum pro certo constat, radios post refractionem primam, densiores ad centrum quàm ad marginem, evadere, liquet, aqueum humorem vel *ad numerum radiorum immisorum augendum* maximè valere. Alios verò etiam usus præstat, nam ejus ope, iridis motus faciliores redduntur, et promptius quoque corneæ curvatura vel minui vel augeri potest.

ABSOLUTA

humoris, lentisque densitatem multum interest; quia, ob aquei humoris densitatem eandam, ac medii in quò versantur, omnis vel præcipua refractione in lente ipsa fiat oportet: et qualis sit corneæ convexitas parum refert. Ex observatis Monro constat, non solum densitatem lentis in piscibus majorem ad aquei humoris habere rationem, sed et ejus vim refringendi, ut inflammabilium, majorem habere rationem ad densitatem ipsam.

* * * * *

ABSOLUTA OCULI DESCRIPTIONE, quod ad ejus structuram, pathologiamque attinet, quædam consideranda obveniunt, attentione dignissima, de modis nempe quibus hoc organon, dotes suas varias, nunquam non mirandas, exercet, muneribusque fungitur.

Licet, hâc de re, plurimi, et magni quidem nominis, multum dixerint; tamen, ex officio, sequentia in medio proferre mecum statui, neque quis nos vanitatis arguat, antequàm exitum rei audiat, quæ, ad vanitatem exuendam spectat, et potius est factorum congeries, quàm hypothesis.

Hæc ad attentionem arripiendam fatis sint, nam procœmia studiosè evitanda, in omnibus scientiis tractandis visum est. “ Orationes et
“ præfatiuncula æquè expeditioni obstant, ac
“ toga prælonga terram verrens, cursui, et
“ quæ

“ quæ ad personam loquentis referuntur, licèt
 “ a modestiâ emanare videntur, tamen revera
 “ sunt gloriolæ captatrices *.”

Lucis Radii, se quaquaversùm tendentes, variis reflectuntur corporibus, opacis præsertim, sed sæpiùs inæqualiter, ex quò fit, uti lux reflexa plerumque mutetur, præsertim verò, quod ad speciem attinet, et colore tincta vario, prout hòc vel illò corpore reflexa. ad oculum pervenit. (Hòc enim organo solo, detegi potest illa mutatio, quippe quod ejus proprium est, forsan solum munus.)

Huc cùm pervenerint lucis radii; non eundem tenent cursum ac antea, sed humoribus oculi alias quasdam subeunt mutationes; nam ex punctis, quasi manantes, a se invicem recedant oportet, sed, in corneam lucidam incidentes, ejus, et qui subjacent humorum vi, denuo colliguntur, usque dum in punctis se iterum decussent, *focis* dictis, qui in retinam, ut plurimùm,

* Bacon. Sermones fideles, seu interiora rerum.

rimum, faltem oculo fano, collocantur. Tot igitur fiunt foci, quot in corpore externo fpectato puncta radiantia funt : ex illis fimul fumptis fit imago, quæ, prout magis minus diftincta, vifum vel perfectum vel confufum reddit.

Ex hâc imagine oritur fpecies vifibilis, quæ eft vifûs ipfius objectum proprium ; pariter ac, tactûs objectum, refiftentia, id quippe quod fenfum movet, confiderari debet.

De modô, quô fe menti prodit vifibilis fpecies, filere, non fcrutari ; admirare, non explorare decet : nam mentis, non aliter ac Dei natura, penitus latet nos, quorum fcientia omnis de rebus verfatur. “ Etenim contemplatio creaturarum,” inquit auctor ille fuprà citatus, “ quantum ad creaturas ipfas, producit fcientiam, quantum ad Deum, admirationem tantum, quæ eft quafi abrupta fcientia ; fic fenfus referunt naturalia, divina occludunt *.”

G

Variè

* De Augim. Scient.

Variè quæsitum est, quomodo depingeretur in retinam imago, perpenſis, ſcilicet, humorum ſingulorum denſitate, curvaturâ, diſperſione, &c. * Sed omnibus calculis hoc vitium ineſt, quòd experimentis, in humores, extra corpus factis nitantur; at bene notum eſt, vim refractionis, non ſecùs ac diſperſionis, multùm, caloris gradû, variari †; inde non poteſt quin omnis calculus talis turbetur; vi refringenti, corporis calore, haud parùm mutatâ.

Major ergo evadit humorum refractionis, quàm illis fertur; ita verò, ut radii juſtis focis in retinam congregentur.

Sed ut pictura quævis, radiis per tranſlucidum refractis exorta, ſic et imago ab humoribus oculi formata, variis erroribus obnoxia ſit, oportet. Hi vero errores oculi fabricâ valde minuantur, adeo ut ſenſibus vix, ne vix detegi poſſint; nam, primo, errores ex ſphericitate vel
formâ

* Tales habet Petit, Jurin, Hawkeſbee, Maſkelyne, et alii.

† Hoc primus innuit ipſe Newtonus: poſtea vero pluribus experimentis eam opinionem confirmavit Euler.

formâ imminuuntur, non verò modo quo fertur, ut suprà dixi *. Ad hoc ritè intelligendum, concipiatur planum per centrum lentis transiens, cui lentis axis perpendicularitèr sistat. Radii † per lentem transeuntes, antequàm planum tale attingunt, in media convexa incidunt, quorum densitates, non secùs ac curvaturæ gradatim, vel serie continuâ, crescunt; quo fit ut sensim, axim versùs flectantur; sed progressi, in superficies nunc concavas impingunt, et per media tenuiora, quò magis provehuntur, delati, ob hanc etiam causam, ad axem magis adhuc vergant, necesse est. Tramite igitur incurvato, per lentem feruntur, eò magis ‡, verò, quò axi prop iùs lentem pertranseunt; non quia in superficiei partem densiorem hi radii ~~impingunt~~; sed quòd per media, quorum densitates sibi invicem magis

G 2

discrepant,

* Vid. de Lente, p. 40.

† Puta eos parallelòs esse ut in visu communi accidit.

‡ Ob hanc densitatum variationem majorem ad centrum lentis.

discrepant, deferantur. Adeò ut, radiis, donec per lentem transmittuntur, sensim magis magisque arcuatis, quò propiùs axi transeunt, differentia incidentiarum cujuscvis radii, ad superficiem primam et ultimam, (vel obliquitatis incrementum, ad ejus in corpus *vitreum* ingressum), eò minor evadat, quò obliquiùs *radius iste* in superficiem *lentis* primam inciderat: et sic errores formæ *, me judice, minuuntur.

Alter

* Quod ad *reflectionem* corrigendam attinet (vid. supra p. 41. l. 3.):

Aliquis forsan sententiæ ibi allatæ objicere velit, quod, quum summa minutarum differentiarum densitatum æqualis est toti differentiæ inter medii rarissimi et densissimi densitates, *summa itidem reflectionum*, uterunque minutæ singulæ fuerint, equalis sit oportet, *toti reflectioni*, quam sustinerent radii lucis, si *subito*, et quasi per saltum, ex medio rarissimo in densissimum transirent.

Sed animo tenendum est, lucem, a cujusque medii superficie reflexam, variare, non solum pro ratione differentiæ inter ejus medii et ultimi vicini densitates, sed etiam pro ratione *lucis in eam superficiem impingentis*: ideoque, quum lux incidens continua serie attenuatur, (eadem, scilicet, quam mediorum numerus augetur), reflectiones succedentes in eadem ratione minuantur oportet, etiam si *differentiæ omnes inter se æquales* fuerint. Reflectionum harum summa igitur *minor* est, quam esset reflectionum summa, si reflectio ex differentia densitatum solummodo penderet, vel quam tota reflectio, (tali summæ æqualis), si nempe

pe

Alter verò error, ex lucis ipsius naturâ provenit, quippe quæ non ex particulis homogeneis, sed invicem dissimilibus, constat ; quarum refrangibilitas diversa facit, ut aliæ magis, aliæ minùs, ex cursû deflectantur ; sic dispersio oritur ; sic colore erranti omnis imago imbuta, confusa et turbida redditur.

Plures quidem statuêre, oculum achromaticum esse, in hanc opinionem, analogiâ vagâ fanè, ducti ; quòd, scilicet, *tribus* humoribus constat oculus, et in telescopio achromatico, ad imaginem primam formandam, ubi color errans corrigitur, *tres* nimirum lentes

pe radii ex rarissimo, in medium densissimum *illico* jaculantur.

Ita igitur a priori demonstrari potest, exigua densitatum mediorum vicinorum differentia, ex parte saltem, lucis reflectioni obstitum iri. Inde vero totum effectum haud pendere, satis superque constat, ex experimento sequenti, mihi, a clare Playfair, matheos Prof. indicato.

Si per vitrum, objectum aliquod intuearis, obscurius apparebit, quam si idem nudo oculo inspicisses, cæt. p.r. : sed si nunc vitrum *aqua* madefacias, *multo* lucidius quam antea, objectum per id videbitur.

tes conspirant. Sed in hoc instrumento, *duæ* tantum lentes *huic* ufui inferviunt, (reliqua enim ad errores formæ summovendos tantum confert), porro, in iis etiam, nunquam penitus amotus est hic error, nempe, a diversâ refrangibilitate exortus, quod nuper demonstravit ingeniosus Professor Blair, ex eo quod, radii medioxumè refrangibiles, ex utroque vitreo, (qualibus opifices optici utebantur), non ejusdem coloris deprehenduntur*.

Neglectâ igitur tali analogiâ, utpote vagâ et incertâ, experimenta quædam a Doctore Maskelyne in humores ipsos instituta, et calculos inde ductos † spectemus.

Ex his constat, aberrationis aream circularem, ex refrangibilitate diversâ exortam, non superare vel sexdecimam partem ejus, qui in simplici accidit telescopio: ac, si tantum pars ejus, quæ aptissima, quæ sensum moveat, accipiatur,

* Vid. Transact. of R. Soc. at Edin. Vol. III. part 2.

† Vid. Phil. Trans. R. S. Lond. vol. LXXIX. No. 21.

piatur, ne quidem illius areæ partem tercentesimam æquare ; ideoque, vix non imperceptibilis evadat, oportet* .

Cum illo credunt Blair, Wells, et alii, imaginem non esse achromaticam ; ex pluribus experimentis eò perducti, in quibus verò, quamvis color errans in lucis et umbræ confinio depingeretur, tamen ex hòc, nullo modo liquet imaginem ipsam non esse achromaticam, quia in hisce experimentis, retina non acceperat imaginem ipsam veram, propterea quòd, oculo non accomodato, radii singulorum scilicet penicillorum, vel ultrà, vel citrà retinam se decussarent, ideoque necesse erat imaginem, si ita dici potest, in retinam *confusam*, colore cinctam fuisse.

Tale aliquod fit in morbo Amaurosi incipienti, nam, oculo ad varias distantias non aptato, refractione semper eâdem manente, imagines vel pone vel ante retinam efficiuntur, inde
varii

* Tale colligi potest ex Newtoni Conjecturis. Vid. Opt. Book i. p. 88. lin. 11. Vid. quoque infra p. 58 lin. 12.

varii circuli colorati in retinam collecti, imaginem confusam, et colore erranti imbutam reddunt * : ad id effectum, haud parum confert pupilla, in eis, semper fere patula †.

In sanissimo etiam homine, objectum oculo prop iùs, quam distantia cui accomodatur, præfertim si pupilla patula sit, coloribus imbutum cernitur, quippe cujus imago, indistincta scilicet, ex circulis, non punctis componitur ‡.

Dicitur

* Hoc certum præbet indicium de morbi gradu, et medici attentionem optimo jure vindicat. Vid. quoque et confere, p. 33. not. †

† Hæc tamen nec sola, nec præcipua colorum, qui in morbo incipienti cernuntur, causa est. Vid. p. 33. not. †.

‡ Si radii, per alteram pupillæ partem ingressuri, digito, vel quovis alio idoneo obstaculo intercipientur, dum aliis, per alteram partem pertransire concedatur, cujuslibet objecti termini, colore erranti imbui videbuntur : si nunc, omnibus ut supra manentibus, axis alterius oculi in objectum idem dirigatur, ita ut illud simplex appareat, colores protinus evanescunt, sed, simul atque duplex reddatur ejus imago, *iterum* cernuntur, in terminis utriusque, sed præcipue ejus, quæ oculo primo depingitur : hæc imago, in exemplo primo et tertio, ultra retinam, in secundo, in retinam ipsam jaculabatur.

Dicitur oculum *non posse* achromaticum esse, quia “ omnes refractiones eòdem tendunt, telescopio verò achromatico radius quivis cur-
 “ sū variatur, nunc versus axem tendens, nunc
 “ ab eò secedens.”

Sed quamvis radius quivis in oculo, ad axem perpetuum vergit, tamen, vitreo ipso humore, nonnihil moratur, vel etiam deflectitur; nam si refractione ex lente in vacuum esset, citissimè

H

se

Si duo objecta sibi admota, alterum lucidum, alterum nigrum, oculo conspiciantur, et si digito intercipientur radii, vel ad eandem cum objecto nigro partem, vel ad partes objectum lucidum versus, terminus communis colore erranti tingetur, rubro scilicet in priore, cæruleo in posteriori exemplo. Vid. Newton. Lect. Opt.

Si per tubum, cælum subobscurum versus, oculo quasi remisso, prospiciatur, objectum aliquod intra tubum, et in area sublucida visum, colore cingi apparet; qui color evanescit, si objectum ipsum attentius intueamur.

His exemplis, digito vel tubo interposito, pupilla patula sit, et oculi forma, ad imaginem in retinam depingendam, inepta redditur, et forsan inflectionis aliquid præterea concurrit. In experimentis D. Blair, formæ oculi non accommodatæ tribuendi sunt colores. Vid. Trans. R. Soc. Ed. vol. iii. p. 11.

Si oculi humores inter se ita essent constituti, ut radius refractus nusquam colore erranti imbutus inveniri posset: opus esset, cujusque humoris, non solum sphericitas, sed vis refractionis, pariterque dispersionis, perpetuo mutaretur, prout scilicet rem dissitam, propioremve intueri statuimus.

se decussarent radii ; quo minus verò invicem discrepant lentis vitreique densitates, eò magis deflectantur radii, vel eò seriùs in focus colligantur oportet. Præterea in telescopio achromatico, radiorum ex alterà lente congregatio, alterius ministratione tantùm imminuitur, non destruitur, (non secùs ac in oculo accidit) ; sed radii versùs axem convergant oportet, aliter nulla foret imago. Ergo *hoc* argumentum, multò adhuc minùs probat, quàm experimenta suprà citata, oculum non esse achromaticum.

Sed quoniam ad punctum visibile, vel minimum visibile, retinæ spatium aliquod requiritur, hanc quoque ob causam adhuc minuitur aberrationis perceptio.

Quum oculus variis intervallis, diversas res contemplatur, opus est vel ejus formam, vel humorum refractiones, aliquam subire mutationem ; nam quò prop iùs punctum radians corneæ accedit, eò magis ejus focus conjugatus recedat necesse est, data refractione : igitur vel recedat retina, vel refractione augeatur, vel utra-

que

que simul eveniant oportet, objecto propius admoto, et vice versa.

Nonnulli putârunt hunc usum præstare ciliares processus, nempe ut lentem dimoveant anteriora versus, a retinâ, ita ut in eam incidat imago : sed processus ex vasculis, non ex fibris muscularibus conflati sunt, nec lenti affiguntur ; præterea, licet et musculosi essent, et lenti, vel ejus capsulæ, infixi, tantum ad illam planiorem reddendam, non ex sua sede dimovendam, valeret eorum contractio.

Cum sæpius observatum, quod pupilla, objecto propius admoto, admodum astricta invenitur, jure infertur iridem tali modo visui auxiliari. At plurimi tamen veram rationem contractionis non adhibent ; quam volunt esse, ne radii, quos humores non potuissent colligere, oculum intrarent ; re verâ, hi radii exclusi, sunt radii ipsi, qui primi axem decussarent, quò fit ut, eorum exclusio etiam facit ut imago lon-

gius a lente dimoveatur * : sed huic bono infervit pupilla astricta, quòd radios circa penicillorum axes solùm transire finit, et sic errores ex formâ orientes, imaginisque confusio- nem inde minuit.

Alii lentem solam huic consilio sufficere existimant, quippe quæ, musculosis fibris confecta, (talem enim esse perhibent), formam suam mutet; sed talis fabrica nunquam, pro certo, in eâ probata est; equidem ipse vidi lentem, ab auctore, hujus opinionis præparatam †, bovinam nempe, in frustula triangularia, (quales scilicet ille narrat ‡,) dispositam, adeo ut ejus utraque facies stellata apparerit, radiis a centro marginem versùs currentibus, sed longè aliter se res habet in lente humanâ, nam radii

ab

* Ad id experiendum, circulum vel anulum papyro excui, relicta vero area circulari in medio, cujus diametrum diametro pupillæ fere æquabatur, (hæc vero cornæ admota obliquos radios tantum transire finit; qui vero juxta axim oculo pervenissent, his, omnis ad oculi penetralia aditus, area illa circulari, interclusus est), et tali adjumento, objecta satis accurate, longe intra solitos distincti visus limites, cernere potui.

† A. Domino Young.

‡ Phil. Transact.

ab ejus margine incipientes, centrum petunt, vix vero illud attingunt. Unde non sine causâ dubitatur, an jure, ex illius, ad lentis humanæ structuram transferri debeat argumentum : præterea, lentis substantia nimis rigida, fibræ tenues nimis inveniuntur, ad talem mutationem efficiendam *.

Recentior vero observatio alium detexit modum, quô oculus semet, ad varias rerum distantias quas contemplamur, accommodare valet, nempe axe producto, et corneâ magis convexâ redditâ ; sic enim cornea recedit a retinâ, progrediturque imago, ita ut illæ sibi invicem mutuò offendant. De modo quo efficitur hocce, conjecturam supra proposui †.

In idem confert, experimentum sequens ; si pressio in oculi faciem anteriorem fiat, speculi chirurgici vel digiti ope, adeo ut corneæ convexitas augeatur, objecta longè citra distincti visûs limites, rursus in conspectum veniunt.

Sed

* Nec tollitur facultas hæc, lente ipsa sublata.

† Vid. sup. pag. 12.

Sed illam curvaturæ mutationem perminutam esse, ex experimento sequenti liquet; imagines reflexas ejusdem objecti, et dato intervallo ab oculo semoti, examinavi, dum oculus sese accomodabat ad rem, nunc contiguissimam, nunc longissimè distantem, intuendam; et vix ullum discrimen inter eas deprehendere potui, licèt armato oculo usus essem: sed, quicquid incrementi vel decrementi, ex mutatâ convexitate, refraçtio concipit, evidentiùs in imagine reflexâ deprehensum iri constat, nam sphaericitatis errores in reflexione, sexies majores quam illi in refractione, ex mutata formâ, reperiuntur*.

De

* Hanc rationem curvaturæ mutationes detegendi, primus proposuit noster Rutherford, et certe simplicior multo est quam methodus Domini Ramsden, qui curvationem ipsam ad mensuram redegit.

Idem, alio modo tentavi. Conum lucis, (cujus apex in foramine exiguo in lamina metallica situs erat) corneæ impingere feci; ita radii quidam a cornea *in laminam* repellebantur, tubuli conici truncati instar: oculo nunc ad visum, varia distantia accommodato, hic tubus vel circulus lucidus *a cornea* reflectus, et *in laminam* receptus, latior accliorve evasit, prout nervus in foramen ipsum vel quasi ultra id intuerer: ex quo liquet corneæ curvaturam interea mutatam fuisse.

De variis modis, quibus oculus distantiam percipit, hîc iussit dixisse, tactum esse fontem et originem; sed, ut ambages metaphysicas evitamus, neque ignoto æquori nosmet committamus, hoc obiter monere placet, quòd nec magnitudinis, quæ vera dicitur, nec distantiae, nec directionis, nec loci *, nec figuræ ipsius †, perceptio aliqua originalis ex visu solo oritur.

Quæstio nulla sæpius agitata, minùs autem intellecta, quam ista de imagine inversà, visu erecto. In hac quæstione proponenda, species visibilis cum imagine, utræque cum re externâ confunduntur: quum verò bene notum est omnes illas sibi invicem incommensurabiles et incongruas esse, de earum similitudine, vel discrepantia, quæstio nulla oriri potest.

Sed

* Tangibilis scilicet, quia locus visibilis, si quis re vera sit, est tantum punctorum visibilium situs inter se, qui *coloris inventu* solummodo visu percipitur.

† Dico de figura *solida* vera, seu ut dicitur *tangibili*, nam ex figura *visibili*, quæ est colorum positio inter se, pendet, aliqua ex parte saltem, nostrum quasi iudicium de rei unitate. Vid. infra.

Sed *quæstio ipsa* quamvis tot tantisque ineptiis prematur, res tamen, sibi adhuc magis contrarias, commiscent, qui quæstionem *solvere* moliuntur.

Jampridem consuetudini et ratiocinationi tributa est hæc quasi imaginis reversio. “ In-
 “ fantem,” nimirum, “ omnia primò inversa
 “ cernere,” dicitur : “ postquam verò propriis
 “ viribus semet exercere incipit, visibilibus ad
 “ tactûs normam redactis, vel cum tactûs ob-
 “ jectis comparatis, elicitur *exinde* ratio inver-
 “ sionis, et ita iste corrigitur error, vel objecta
 “ ad situs suos veros referuntur *.”

Sed, ut cætera omittam, (de inter visibilia et tangibilia comparatione scilicet,) nullum talis pravi visûs indicium, infantes, ab incunabulis etiam, ostendunt ; nec rationis expertes per omnem vitam ; denique nec animalia inferiora.

Alii,

* Le Cat. Traite des les Sens.

Alii, nec parvi quidem nominis, phænomenon hoc in legem originalem rejecêrunt : quâ,
“ omne visibile in directione lineæ rectæ, ex
“ ejus imagine per centrum oculi ductæ, spectatur.” Sed in ipsâ lege enuncianda, visus ipse cum mentis judicio confunditur.

Vix enim, ne vix quidem animo concipiendum est, immò solæcismi speciem præ se fert, sensûs actum aliquam habere directionem, vel nos videre, vel spectare secundum directionem lineæ, &c.—Etenim quod videmus, id nimirum, de quo, inter videndum, mens ipsa immediate versatur, est species visibilis, quæ nullam habere potest, vel directionem, vel distantiam. Species hæc ex imagine oritur, quæ, qua ratione fit, suprâ exposuimus, quo pacto autem idea, seu species visibilis mente excitatur, diu multumque frustra quæsitum, adhuc latet, et nos forsan in omne ævum latebit.

At hoc tamen in animo tenendum est, speciem nimirum illam visibilem, inter videndum, non secus ac resistentia, inter tangendum, esse id

quod animum movet, vel quod immediatè percipitur. Et simili fane errore irretiuntur, qui visûs directionem tam serîo ponunt, quasi tangere, sentire, cogitare, in aliquâ directione, quis nos vellet; quum species visibilis, pariter ac resiliantia, meræ sunt idem, ideoque directionem habere nequeunt.

Visû tamen peracto, rem externam ad directionem referimus, hanc vel illam, prout nobis sit consuetudo; at citissimè, adeo ut non mirum si cum visû ipso confundatur: omnino igitur in hâc omnis iste error. Neu quis dicat nos talia facere *ex lege naturali*; ista enim directio variatur, prout uno, altero, vel binis oculis utimur: et quum ex plurimis etiam ipsius Reid experimentis constat, nos rem sæpe non ad suam veram, sed ad aliam directionem referre; vix liberale esset Naturam incusare, nos legi subijciendi, hâc planè consilio, ut nos decipiat.

Porro, in errore alio haud exiguo versatur cel. hic auctor jam dictus. visibile nimirum
cum

cum tangibili neſtens, ſicut, in prælectionibus, hîc nuper traditis *, optime monitum eſt.

Ibi, ad hanc rem ex ſuis ſibi adverſis expurgendam, fingitur ſphæra cava tangibilis, cum oculo concentrica, "cui cum illa communis ſit axis, mobilis quoque; tali verò ratione cum ſphærâ viſibili congruens, ut quodlibet illius punctum, tangibile ſcilicet, habeat punctum ſibi reſpondens in ſphærâ viſibili: hoc intelleſtû facile, quia talia puncta, invicem diſſimilia quanquam, tamen ſe invicem *referre* poſſunt, non aliter ac ideas referunt verba.

His ita conceſſis: ſi concipiatur linea ex imagine, vel quovis ejus puncto, per oculi centrum tranſiens, et producta, uſque dum ſphæram tangibilem pertingat; hoc interſectionis punctum dabit ſpeciei viſibilis locum.

Sed quomodo inter punctum hoc ſphæræ tangibilis, et illud alterum in viſibili ſphærâ,

* A Domino Allen, ingenio nulli ſecundo.

talis fancitur consensus? An lege naturali, an consuetudine?

Multò simpliciore, et magis congruentem hujus phænomeni rationem reddidit Rev. D. Berkley, qui, inter visum et tactum, discretos limites posuit.

Docuit hic vir non modo speciem, verum etiam imaginem cum re comparari nequire; in imagine autem partes singulas, et *inde* puncta visibilia singula, eosdem habere *inter se* situs, vel attitudes, ac habent *inter se* foci respondentes in objecto ipso.

Porro, partium ipsius spectatoris corporis, quæ ipse videre potest, æque ac objecti cujuscunque externi, imago refringitur, pariterque invertitur, adeoque situs visibiles inter se minimè turbantur. Perceptionem præterquam objecti in dato sitû nullam habere rationem ad imaginis positionem, verisimile videtur. Inter hæc verò, consuetudo * nexum quendam posita fancit.

His

* Professor Greenfield, vir ingeniosus admodum, et optices
maxime

His facile attentiet, quicunque rem accuratius perpenderit.

HACTENUS quæ dicta sunt, ad unum tantum oculum respiciunt. Restat, ut de quæstione alterà, quomodo scilicet, simplex oriatur visus ex imagine duplici, pauca differeamus.

Primò clar. Reid opinionem exponere visum est, quæ duabus legibus nititur scilicet.

I. Objectum aliquod, in axium intersectione locatum, licet ejus imago duplex sit, una
nimirum

maxime peritus, nuper mihi narravit exemplum erectæ visionis, licet imago ipsa in retinam haud dubio erecta depingeretur.

Cuidam, ei familiari, qui instrumento dioptrico uti solebat, in quo, imaginis ultimæ foci, situs, respectu axis, contrarios ac ipsius objecti foci respondententes, tenebant; primum sane, omnia inversa apparuere: sed periculo assiduo, sublata, vel oblita est, illa, inter rem erectam et imaginem inversam connexio, ex usu quoque antea derivata; et visus erectus evasit, utracunque fuerit imaginis positio, sive erecta, sive inversa; vel instrumento adhibito, vel non.

Notandum est, quod si Reid hypothesis valeat, debuit hic omnia semper inversa, per instrumentum tale videri.

nimirum in utriusque retinæ centro depicta, simplex cernitur.

II. Res, quarum imagines situm, cum centro collatum, similem in utroque oculo obtinent, simplices quoque videntur.

Prior lex, quod plerumque accidit tantum exponit, sed minimè explicat. Cur verò nosmet lege originali quasi illigatos agnosceremus, quam consuetudo mutare potest? Præterea, facili experimento, objecta duo, licet eorum imagines in utriusque retinæ centro depingantur, tamen duplicia cerni possunt: et objecta duo, quanquam *citra* axuum intersectionem et *locata*, et *visa*, tamen pro simplici interdum habentur.

Lex secunda vix unquam obtinet. Nam objecta ad utrumque latus puncti in quod diriguntur axes, simplicia videntur; eorum verò imagines rarò in puncta retinarum accuratè a centro utroque æquidistantia expressæ sunt:

ad

ad hoc enim opus esset talia objecta sita esse, in ejusdem circuli periphæriâ, in quâ jacerent et intersectio axium et centra utriusque oculi. Si verò objecta tali modo non sint disposita, vel axes paralleli sint, vel talium * visus duplex evadat oportet, si lex secunda valeat: sed quum neutrum horum eveniat, liquet eam esse non veram.

Tota quidem hæc theoria plurimis premittur difficultatibus.

Hæc lex originalis non est necessaria, quia phænomena, sine eâ, per consuetudinem explicari possunt.

Nec est talis convenientia et concentus, qualis Reid perhibet, inter puncta utriusque retinæ similiter sita; immò ne quidem inter binas ipsas retinas †.

Hæc

* Objectorum scilicet, ad latus utrumque puncti, in quod axes diriguntur.

† Vid. infra. experim. cum prismat.

Hæc hypothesis legi jam expressæ * omnino repugnat : adeo ut alterutra cedat, vel simul corruant, oportet.

Modum alium hujusce rei explicandæ proposuit ingeniosus ille, supra citatus †, experimentis quibusdam, jam a Domino Elliott factis deductum.

Hic, binis oculis simul pressis, fecit ut hæmisphærium lucidum cerneretur, cujus color cum pressûs gradû mutabatur, sed in nullo casû ei contigit duo hæmisphæria vidisse, sive in oculum unicum tantum, sive in binos simul compressio facta est.

Dum in utrumque oculum premitur, retinæ binæ hâc pressura *in toto* afficiuntur, sed speciem *unicam* visibilem ‡ menti tradunt ; id est,

omnia

* Eiusdem scilicet auctoris, vid. pag. 65.

† Allen in suis prælect.

‡ Ex his experimentis liquet non esse objectum quod cernitur in *loco certo, lege naturali* ; sed esse visibilem speciem, ex qua objecti unitatem, locum, &c. judicamus ; quippe in hisce experimentis nulla adfuere objecta externa, unde hæc phænomena eriri potuerunt.

omnia puncta simul sumpta, in sphaerâ tangibili * alterius oculi, cum omnibus alterius simul congruunt : annon igitur fas est concludere, unumquodque punctum alterius, habere in alterâ punctum sibi simile, vel conveniens, quibus utrisque punctum certum visibile commune respondet ?

Hæc expositio nulla quidem sibi dissidentia implicat, ulteriùs tamen non pergit ; et, ut de punctis istis retinæ utriusque similiter sitis, sic de punctis his in sphaerâ utrâque tangibili, adhuc quæro.

Quomodo conspirant ? An consuetudine, an natura ?

Si dissimiliter sita esse, vel mutari possent, quod ipse equidem fieri novi †, et consentire hypothesi credo, conspiracyem ex consuetudine derivari posse, verisimillimum est.

K

Nec

* Vid. supra pag. 67.

† Talia exempla se vidisse testantur Smith et Chefelden,

Nec multùm fanè profecerunt reliqui *, qui, tali lege, nimirum de retinæ punctis, prætermiffà, aut vix non ludibrio habità, aliam omninò ingreffi sunt viam, ut hujus rei rationem redderent.

Dicunt nobis effè vifum simplicem, quia objectum, binis licet oculis afpectum, tamen in directione unica cernitur, ergo, quum intellectui repugnet, unum corpus habere eodem tempore plures directiones †, ita, argumento inverfo, ex unitate directionis, rei unitas quoque infertur.

Hoc verò quidem Sophisma est non causæ pro causa, quippe quod effectum pro argumento substituit.

Reid itidem et aliorum opiniones (qui nimirum vifum simplicem pendere, ex eo quòd objectum, binis oculis, in eodem loco cernitur, voluerunt)

* Wells, et qui ejus morem gerunt.

† Ab eodem fcilicet fpectanti.

voluerunt) hic auctor redarguit, argumento sequenti usus—" Distantia oculo percipi nequit, sed locus distantiam infert, ergo nec locus percipiatur oportet."

At multo etiam magis quam locus, *ipsa directio* distantiam infert, ergo nec hæc percipi queat oculo oporteret. Directionem potiùs rei adjudicamus; hoc vero ex mentis operatione pendet, et visum peractum sequitur: citissimè tamen, adeo ut nil mirum, si cum visû ipso confundatur, uti jam innui *.

Magis quidem rationis speciem præ se ferret hæc hypothesi, si directio, quum binis oculis, eadem esset, ac si uno tantùm uteremur: quod verò non sit, neque sanè, si ita foret, rem explicaret †.

Priusquam ullam opinionem de hâc re proponimus, aliqua experimenta tradere visum est, et præmonendum duco, quòd ad theoriam nul-

K 2

lam

* Vid. supra pag. 66.

† Vid. infra pag. 90. not. †.

lam stabiliendam instituta fuere, sed eorum adplicatione ad hoc visus munus, ex quibusdam in iis per casum notatis, pendet.

Mihi nuper forte contigit, in experimenta aliqua, iis, a D. Darwin institutis, similia incumbere, ut retinæ nimirum sensibilitatem, et irritabilitatem investigarem, simulque ut cognoscerem, an omnes ejus partes ac centrum pari ratione irritabilitatem suam amittant, vel an eisdem legibus, quoad vim sentiendi, obnoxiae sint.

I. Hoc consilio, donec axes oculorum punctum versus, in cubiculi parietem scilicet, tendebant, objectum aliud subobscurum in oculorum communi axe locavi, hanc nimirum ratione, ut propius oculo admotum fuerit, quam axuum intersectio; sequentia apparuere.

Duas species visibiles vidi, similes, ad utrumque latus puncti *, in quod dirigebantur axes ;

* Vel potius ejus speciei visibilis.

axes * ; quarum altera subito evanuit, mox verò rediit, cum altera nunc visum prorsus effugisset, iterum verò mox reditura, dum illa altera prima e conspectû denuo amoveretur. Et sic, repetitis vicibus, alterâ evanescente, dum altera conspicitur, hæc vicissim illâ excipienda, mox verò cernenda est.

Iterum atque iterum hocce experimentum tentavi, simili prorsus eventû ; quò diutiùs verò in experimentum fisti, eo magis evidenter ac regulariter hæc alternatio evasit.

II. Objecti dein imagines has indistinctas, ad utrumque scilicet latus puncti, in quod dirigebantur axes, sitû variabam, objecto nimirum

* Unam nempe ad partes dextras, sinistro oculo visam, et vice versa.

Et hic obiter notandum est, quod tales species, utcunque a centro distitæ fuerint earum imagines, mutationes subiisse, similes prorsus iis a D. Darwin relatis, ubi in retinæ utriusque axe depingebantur. Ex quo verisimile esset etiam a priori, puncti cujusbet in alterutra retina, æque ac ejus centri sensibilitatem maximam ex *usu* reddi posse, et inde quodcunque punctum in altera, alii cuilibet in altera retina ex *usu*, respondurum iri. Talia inquam a priori sequerentur, sed re vera exemplis plurimis firmantur.

rum subobscuro nunc citra, nunc ultra, nunc prope, nunc verò longo intervallo a puncto distante, semper tamen in oculorum communi axe, ut dicitur, posito, et semper cum eodem eventû.

III. Deinde ad retinæ utriusque centrum experimentum reduxi: Duos confeci tubos pigmento nigro intus illitos, quibus utrisque ex alterâ extremitate, imposui fericum perlucidum coloratum, et per hos prospiciens ad punctum in plano sublucido, punctum dictum in medio areæ circularis vidi, cujus color nunc colori ferici in tubo altero respondebat, nunc verò eodem tingi videbatur colore, ac fericum illud in altero tubo: nunquam autem colore *intermedio* imbutum visum est; at alter color semper in alterius decedentis locum successit, et regulariter quidem, eo magis verò quò diutius perductum est experimentum.

IV. Primum experimentum denuo retractabam et quoddammodo dum variabam, aliud, nec minus inusitatum observavi. Objecto enim
ad

ad distantiam unciarum circiter octo præ oculis remoto, axibus inter se parallelis manentibus; cum aliud objectum, digitum scilicet, ad distantiam fescunciæ, vel circiter, præ oculis cautè admodum et lentè transduxerim, a dextro puta finistrum versùs; priusquam ille sitû inter oculum finistrum et objectum remotum potitus est, species dextra, illius primi objecti, sinistro scilicet oculo antea visa, ex improvîso prorsus e conspectû discessit. Hôcce experimento, non nisi multâ curâ perficiendo, oculus alter quasi deprehenditur cæcutiens.

V. Proximo loco, duo prismata, ejusdem vitri, ejusdem etiam anguli refringentis, axibus parallelis, ita statui, ut radii coloris cujuslibet ex prisma altero, in eodem plano horizontali essent, ac radii cujusvis alii coloris ex prisma altero refracti, in quo plano oculi itidem siti essent *: radii refracti, per foramina
duo

* Ita nempe ut lux (rubea puta) ex altero prisma, oculum nimirum dextrum ingressura, in eodem esset plano horizontali, *ad ingressum nempe*, ac lux coloris cujuslibet alterius, (cærulei

duo in laminâ metallicâ tranſeuntes, oculis impegère, ita ut uterque oculus radiis prismaticis ſuis, ut ita dicam, fere impleretur.—Sequentia apparuêrunt.

1^{mo}, Oculo dextro rubeis, finiſtro cæruleis radiis impleto—

Vidi magnum circulum lucidum, nunc rubeo, nunc colore cæruleo infectum ; nunquam autem *violaceo* colore tinctum.

Primo quidem alternatio non adeo manifeſtè ſe prodivit, ſed, experimento per horæ quadrantem, vel diutius protracto, admodum perſpicua evaſit.

2^{do}, Ne gradus diverſus lucis, inter radios rubeos ſcilicet, et cæruleos, experimentum primum turbaffet ; foramen, per quod radii
rubei

(cærulei puta,) ex priſmate altero, in finiſtrum oculum jaculanda : oculorum axes inter ſe parallelæ fuerunt.

rubei in oculum tranfituri erant, cribro tenui * obduxi, adeo ut pariter et ex æquo lucidi effent radii in oculum utrumque invafuri : tunc manifestior fe prodivit colorum alternatio ; at miftura nulla percepta est.

VI. In foraminibus, lentes duas ejufdem et curvaturæ, et materiæ, inferui, et nunc circum fupra dictum magnum hæmifphærium coloratum apparuit, non fecus ac D. Elliott occurrit †, oculo nimirum utroque colore fuo ad unguem impleto ‡ : illud hæmifphærium verficolor, *ut fupra*, poft aliquod tempus evafit.

VII. Coloribus iifdem, at in contrarium oculum utroque, intromiffis ; id eft, commutatis coloribus, omnibus aliis iifdem manentibus, omnia fuprà dicta manifestiora erant §.

L

Quum

* Sindone fcilicet compluries plicata.

† Vid. fup. pag. 72.

‡ Oculo utroque fcilicet in lentis fibi respondentis foco fito.

§ Ex quo liquet, oculum in quemvis etiam colorem diu incumbendo,

Quum hisce experimentis ritè instituendis, dolor oculis illatus, magnus sanè, non parùm obstitisset : proximò, lentes unguine oblevi, quo factum est, ut diutiùs in experiendo commoreretur, et magis distincta phænomena apparerent. (Eadem commodiùs fieri possunt, si foraminibus imponas vitra, quorum superficies ad rotam molarem leviter attritæ fuerant.)

VIII. Lentes duas, quarum foci ad distantias inæquales projicerentur, ante oculos, in foraminibus in laminâ metallicâ collocavi, ita verò ut oculus alter in lentis alterius foco, alter *citra* alterius lentis focum poneretur : hîc nova surgunt spectra. Primò videtur circulus altero tinctus colore, in hæmisphærio alterius coloris, contineri, cum hîc verò concentricus; vel potiùs, videtur circulus minor unius coloris, cærulei puta, annulo lato alterius coloris, rubei e. gr. cingi; vel vice versâ : mox verò
evanescit

evanescit circulus ille, et videtur hæmisphæ-
rium lucidum rubescens, quod vicissim e con-
spectû fugit, circulum solum, sine aliquo an-
nulo cinctum, relinquens.

Hæc alternatio quoque, quò diutiùs experi-
mentum protractum est, manifestior apparuit :
sed in nullo casû, mihi, vel alicui alio, cui ex-
perimentum ostendi, contigit illum circulum
mixto, seu violaceo colore tinctum vidissè.

IX. Vice lucis rubæ, in oculum alterum
nunc radios flavos immisi; phænomena ut su-
prà evasêrunt; nullo unquam colore viridi ta-
men percepto, ne vel aliquo ejus gradû, nec
viriditate flavescente, nec thalassinâ: sed co-
loribus, flavo scilicet et cæruleo, sibi invicem
alternè succedentibus.

X. Simili modo alios, rubeos nempe et fla-
vos radios in oculos immisi; sed, colore aureo
nunquam percepto, spectrorum colores se mu-
tuò exceperunt.

Porro, variis positionibus tum prismatum, tum foraminum, in fenestrâ cubiculi obtenebrati, per quæ radii solis in prismata jaculati sunt, &c. mille modis variari possunt experimenta, quibus, quoties aliquod interspectra utraque intercedit discrimen, toties alternatio supra dicta patet; si modo experimentum diu satis protractum sit: nunquam verò color fit medius, vel figurarum, si modo discrepent, commistio.

Atque de experimentis ipsis hætenus; nunc ad eorum extensionem et adplicationem propere, *non* " quod in observatione indefinitum " et vagum, id in informatione fallax et infidum *."

Quum ex omnibus his constet, oculos, quoties aliquod intercedit discrimen perceptibile †
inter

* Bacon Nov. Org. Lib. 1.

† Scilicet sub experimenti sine, nam non adeo manifesta est alternatio, experimento jam jam *transito*, sed est confusio quasi, quæ mera est deceptio, talis, qualis in visu quotidie communi

inter imagines in iis depictas, non semper simul videre *, sed nunc imaginem in hōc, nunc in illo oculo percipi ; et quanquam primò, alternatio parùm manifesta fuerit, experimento tamen longiùs protracto, illam manifestissimam patuisse : annon, inquam, credere fas est, hanc alternationem semper accidere ‡, et nos re verâ nunquam binis simul, sed uno tantum oculo semel uti, denique nobis binos dari oculos ad sibi invicem, et alternè ministrandum.

Hæc

communi accidit, quod plane liquet, quum, experimento prolato, tollitur.

* Vel si imagines in puncta, dissimiliter quod ad centrum utrumque posita (I. II. IV.); vel in retinæ utriusque axim formentur (III. V.); vel una in centrum, altera non (VIII. IX. X.); vel denique si totam retinam utramque occupassent. (VI.) Et inde liquet omnia retinæ utriusque puncta, vel seorsim spectata, vel simul sumpta, alterne agere, nunquam consentire : præterea, quum color medius nunquam perceptus fuerit, liquet puncta retinarum non *originaliter* congruere.

‡ Licet, ob imagines similes, et in sese vicibus alternis labentes, sensibus vix capi possit ; quorum actus, ut manifestum est, in motu transiguntur, motus vero in tempore. Quamobrem si cujusvis corporis motus sit vel tam tardus, vel tam velox, non sit proportionatus ad momenta quibus transigitur sensus actio, iste motus omnino non percipitur ; ut in motu indicis horologii, vel planetæ, vel globuli e tormento.

Hæc alternatio tam cito perficitur, ut vix percipiatur: plurima quidem sunt exempla in C. H. motûs etiam non percepti.

Multa ad visum pertinentia, præsertim quod ad visum simplicem attinet, explicari queunt hâc hypothesi. Vel faltem, et visus simplex, et multa alia ad visum pertinentia, huic inductioni non repugnant, forsan ex eâ explicabilia sunt.

Plures quidem talem fabricârunt hypothesin ad visum simplicem exponendum, quibus placuit nos uno tantum oculo uti; quæ opinio verò ad phænomenon exponendum ficta est, non experimentis educta: quod enim mavult homo verum esse, id potiùs credit. Sed cum notiones temerè a *rebus* sint abstractæ, nihil est firmitudinis in eis quæ superstruuntur; plurimis difficultatibus ergo premitur ista theoria, quod scilicet quum binis, meliùs, ac etiam plura videmus, quam si uno oculo solo uteremur.

Hæc

Hæc nostra contrà, est inductio mera, et, casû quasi ab experimentis, in aliam etiam rem primò institutis, elicitâ; postea verò aliis confirmata, ad hanc rem accuratiùs indagandam, ordinatis.

Quamquam ob ejus *simplicitatem* theoria hæc animum maximè moveat; nobis tamen in medio profertur, hõc potiùs consilio, ut alii semet ad hæc experimenta retractanda accingant, quò aliqua ad visum pertinentia adhuc minus nota, retegant. “ Nam omnis verior naturæ interpretatio per experimenta sola conficitur, “ ubi sensus de experimento tantum, experimentum de naturâ et re ipsâ judicat *.”

Quum oculus ipse non videt, sed potiùs visus instrumentum nobis datur, ne inter se confundantur visus ipse, et ea quibus oritur, oportet.

Lucis radii, modo suprâ dicto, picturam generant,

generant *, ex quâ oritur species visibilis † ; hæc vero species, visûs *proprium* objectum considerari debet, propterea quòd fieri potest, ut, licèt imago ipsa perfectissima extet, nullus sequatur visus ‡. De speciei naturâ, quanquam penitus ignoremus §, tamen non ineptè, ei inditur nomen, quod id, quicquid sit, distinguat : ut fit in nominibus aliis statuendis, DEUS, scilicet, NATURA, ETERNITAS, INFINITUM, &c. licet de rebus ipsis ulla etiam conjectura nobis negetur.

Speciem ergo visibilem videmus, unam scilicet semel, nullâ vel distantîâ, vel directione ; sitûs et loci quoque expertem, quippe quæ, comparatione solâ cum alteris speciebus visibilibus, coloris scilicet interventû, elici possunt : unam, inquam, speciem videmus, cujus, *esse*, at præterea de eâ nihil conscii sumus. Hanc ex templo assequitur alia, quæ, prout ei similis vel

non,

* Vid. p. 48.—49.

† Vid. p. 49.

‡ Vid. p. 33.

§ Vid. p. 49. et quoque 65.

non, perceptiones nostras, et ideo iudicium nostrum de *re*, vel confundet, vel non *. (Dico de ineunte visû, nam provectâ ætate, quam species duæ simillimæ sint, quod ad colorem nimirum, figuram, magnitudinem visibilem attinet, si tamen partibus retinaram binarum, quæ *impressiones similes simul* recipere non solebant, impingant, *hoc solum* distinctionem inter species visibiles suggerit, et res pro duplici habebitur). Visu ergo sic *peracto*, et quæ eum sequitur, deceptione de specierum identitate, et inde iudicio de *rei* unitate, proximo loco, ad directionem, situm, locum, prout experientia nobis fit, rem ipsam relegamus.

Simplex igitur visus ex nullo inter species

M

visibiles

* Dicetur forsan perceptiones non confundi, sed perceptionem cum conceptione confundi. Sed satis est si inter species duas, *quod ad tempus*, distinguere nequeamus.

Docet simplex visus confusus licet, altera imagine penumbra cincta, donec altera perfecte in retinam jaculetur; tali exemplo, species duæ pro una sumuntur, quia *quod ad tempora attinet* confunduntur.

visibiles diſcrimine percepto * ; directio †, fitus, &c. ex ratione habitûque pendent.

Quod ad rationem quandam hujus rei enodandæ attinet ; “ ſpeciem” nempe, “ cum ob-
“ jecto etiam nobiſcum comparari :” quum, tali comparatione, viſûs tactuſque objecta ſecum conturbantur, nullâ refutatione eget : quanquam tali modo, et ſimplicem viſum, et erectum, aliqui conati ſint exponere.

Auctor ingenioſus, qui ſubjectum hoc nuper tractavit, poſtquam viſum ſimplicem ad directionem

* Si *eodem* temporis puncto binæ ſpecies viderentur, utcunque *ſimiles* eſſent, tamen nunquam pro una judicarentur ; contra quanquam invicem ſe excipiant, ſi ullum *interſit* perceptibile eas inter, pro duplici *res* habetur.

† Nemo, qui viſus naturam contemplatus eſt, tam vecors reperiretur, qui aſſereret, duas res, licet ad eandem directionem relatas, ſi modo earum ſpecies viſibiles inter ſe, quod ad colorem, figuram, magnitudinem viſibilem, diſcrepent, quaſi unam videri poſſe. At contra, nemo negaverit duas ſpecies viſibiles omnino inter ſe ſimiles, ſi modo directiones excipias, quæ nimirum variatur prout hoc vel illo oculo utamur, nihilominus ad *unicam directionem*, neutri horum convenientem, referri. Quod certe fiat oportet, ex aliquo in iis vel *communi* vel *ſimili*, colore ſcilicet, figura, &c. Patet ergo directionem unicam eſſe *effectum* non cauſam viſus ſimplicis.

tionem unicam retulerat*, de *directione ipsâ* verò tandem quasi obiter loquens, et illam *in legem originalem* rejiciendo, orationem totam suam obcæcavit, vix sibi constans. Negavit enim *visum* simplicem ex lege originali pendere *posse*, at *directionem* tamen, quam *causam* fuisse hujus phænomeni voluit, ex *illo* ipso fonte duxit.

Casum bene notum a Cheselden relatum, ex parte aliquâ citavit, ad legem suam originalem suffulciendam, ubi scil. postquam oculi secundi lens acû detrusa fuit, et inde ejus visus restitutus est, objecta tamen simplicia apparuere; “ ex
“ quo *liquet*,” pergit ille auctor, “ ægrum illico
“ vidisse objecta in *eadem directione*.” Sed hoc petitio est principii: ne autem in similem errorem nos incidamus, non asserimus, sed tantum rogamus, anne multò verisimilius est illum uno tantum oculo semel vidisse, et post comparationem inter species factam, tunc *judicasse* de *directione*, non secus ac de distantia, loco, situ, &c.? porro, non debuit ille, si ita dicam, duplicem ha-

M 2

buisse

* Vid. pag. 74.

buisse visum ex imaginibus similibus, quia, speciebus sibi invicem comparatis, discriminis nîl inter eas offendit * ; (nam res nihili prorsus fuit, quâ in secundâ retinâ imago sua jacuit) ; nullâ denique, *hoc* oculo, secundo scilicet, vel distantîâ, vel directione perceptâ ; ex his omnibus inquam, illi simplicem fuisse visum *ab initio*, et *hinc* postea simplicem directionem oportuit.

Directionem, situm, positionem, &c. ex usû
elici,

* Verum est sane res consuetas ei ampliatas apparuisse, quum primum binis oculis usus esset : hæc vero amplificatio minime ex imagine majore in oculo secundo (penumbra forsitan metâ) pendebat ; magnitudo enim visibilis, ex *hac* imagine, *nullam* ad rei magnitudinem veram, rationem habere poterat.

Amplificatio potius pendebat, ex eo quod objecta nunc lucidiora videbantur, ideoque vel accedere vel augeri censebantur ; quum autem distantiam nunc callebat, ob consuetudinem, (ex oculo primo), talleretur nunc opus erat, de *magnitudine* judicans. Deceptio hæc sensum amota est, ob retinæ secundæ usum consuetum, adeo ut temporis progressu, æque lucidæ, regulariter alternantes, species ex utroque oculo evaserint.

Et si imaginum magnitudines revera aliquantulum discreparent, ob penumbram in uno oculo, tamen ob colores, eorumque inter se situs, seu *figuras visibiles*, ex utraque imagine, similes, præsertim vero ob alternationum *tempora* non percepta, res pro simplicibus haberentur verissimum est.

elici, adhuc probatur exemplo suprà citato *.

Alternatio minime pendet ex contractione vel relaxatione alterna musculorum in orbitâ, et inde corneæ mutatâ curvaturâ, quia succedit in experimentis cum prismatibus, licet oculi in statu remisso fuêrint.

Pluribus, et gravissimæ quidem auctoritatis, visum est, et meritò sanè, punctum unicum tantùm in retinâ semel videre, vel visum dare,—

Annon à fortiori igitur, concludere licet binas retinas non in eodem temporis puncto agere, vel suas species menti prodere?

Illis dicitur conceptionem alterius puncti, (in eâdem scilicet retinâ,) cum perceptione instanti alterius puncti visibilis confundi.—

Quæro.—

* Vid. supra, pag. 68. not. *.

Quæro.—Annon magis valeret argumentum hoc ad binas retinas ipsas translatum, ubi puncta, vel punctorum aggregatæ summæ tantò magis se invicem referunt?

Manifesto liquet ex hâc alternatione, cur sphæræ portio, quæ binis oculis, eâ, quæ uno tantùm cernitur, major videatur.

At hîc fortè objicere velit aliquis, quum non eandem partem sphæræ oculo utroque videamus, ea duplex appareat oportet.—

Respondeo, quòd ob similitudinem distingui nequeunt *; insuper in causâ est, quòd sub eodem fere temporis puncto utraque species percipitur.

Sed et alia quæstio occurrit, nempe, quomodo fit, ut, quanquam imago in retinam depingitur,

* In experimentis supra citatis, alternatio percepta est tantum quoties intercessit discrimen manifestum inter imagines. Vid. supra, pag. 84.

gitur, retinæ ipsius fabricâ prorsus salvâ, tamen non semper percipiatur?—

Omnibus Strabismi exemplis a Buffon narratis, imago in altero oculo solo videbatur, quam altera, in altero oculo scilicet, speciem suam visibilem menti tradidisse potuerat; inde vitii medela absoluta est animi attentionem in illam alteram imaginem dirigendo. Porro talem negligentiam quotidie in exemplo esse, docent plurimi, altero oculo per conspiciillum prospicientes, altero verò aperto, in quo nulla habetur imaginis ratio, mente nimirum in alterâ imagine solâ observandâ occupatâ.—Par est ratio exemplorum supra memoratorum *.

Si binis oculis *simul* videremus, talis visio duplò melior deberet esse, quam illa uno tantùm oculo, si nempe ex æquo valeant oculi utrique; quod verò non ita est.

Clariùs tamen binis, quam uno oculo videmus,

* Vid. pag. 30.

mus *, nam alter alterius subsidio venit : indēfit, ut enixû minori exerceatur visus, hâc alternatione, quàm si uno oculo semper, immo si binis simul uteremur.

Quærat forsan.—Quomodo vident lufci, seu qui altero lumine orbi sunt ?

At æquē valeret, si quis dubitaret, num qui crure altero, aut brachio, aut teste orbatus esset, varia numerā, quibus hæ funguntur partes, exercere posset. Nec eos, quasi per intervalla videre necesse est, tales verò citius quàm alii, videndo fatisci, jam jam bene notum est.

Adhuc restat objectio, primo scilicet experimento.—Etsi imagines indistinctæ, seu earum species visibiles alternè apparuerint ; tale tamen fieri potuit, ex eo quòd uterque axis (oculorum scilicet,) propius objectum versus, alternè dirigeretur, (donec oculorum axium inclinatio ad invicem eadem persisteret,) et sic
imago

* Ratione 13 : 12. ut ex experimentis Jurin. constat.

imago in utriusque oculi axe vicissim depingeretur.

Verum est quidem, quòd, tali motû, imagines objecti propioris, (in illo primo experimento) alternè manifestiores redderentur*, licet visus nullus duplex remotioris†, puncti nimirum, esset; attamen motus esset apparens inter imagines, vel spectra unius oculi, cum illis in oculo altero collata, et duo viderentur imaginum ordines, nunc ab invicem distracti, nunc ad invicem accedentes, prout hæc vel illa imago in alterius oculi axe depingeretur. Exempli gratia—

Moveantur oculorum axes latus unum versus
(dextrum puta‡) adeo ut imago objecti propioris, sinistro nimirum oculo depicta, in ejus
N
axem

* Si nimirum concedatur retinæ axim maxima sensibilitate præditam esse.

† Ob causam similem ac supra notavimus, quia scilicet illius imagines similes, partibus retinarum binarum, quæ tales simul recipere solebant, inciderent. Vid. pag. 29.

‡ Si nempe objectum, cujus imagines indistinctas recipimus, citra axium intersectionem locetur,

axem incidat, axium inclinatione ad invicem data : illa imago, et simul omnes quotquot imagines in eodem sinistro nimirum oculo, præter imaginem puncti in quod antea dirigebantur axes, majores arcus in ejusdem oculi retinâ, *dextrorsum versus*, describerent, quàm his respondentes in alterâ dextrâ scilicet retinâ, in eodem tempore ; ideoque species visibiles sinistro oculo visæ, (præter speciem puncti istius,) *citius, sinistrorsum versus*, movere apparent, quàm sibi similes, dextro oculo visæ : vel ille ordo distrahi, hic consipari ; alter ab altero quasi avolare videretur oporteret : quod verò nunquam fit.

Porro, si, in experimento cum tubis, (III.) ad speciem ex altero oculo delendam, necesse esset, axim ejus oculi ab imagine deflecti : tunc inclinatio axium variaretur oporteret, ideoque duo foramina, vel potius duæ areæ circulares conspicerentur : quod nunquam accidit.

Denique in experimentis plerisque cum prismatibus,

matibus, axes inter se paralleli fuerunt, ac nihilominus manifestissimè sanè alternatio apparuit.

Supereſt nunc ut aliquid adjiciamus de *ſubſidiis*, quibus utimur ad judicium noſtrum de magnitudine, diſtantiâ, &c. faciendum. Sed ne ſingula ſcrupuloſiùs exequamur, quàm vel inſtituto noſtro, vel hujusce tractatûs naturæ convenit: prætermiſſis plurimis, præſertim quum de adjumentis, quibus ad hoc in genere utimur, aliqua jam obiter innuimus, hoc ſolum adjicere volumus, quod plus valet axium inclinatio quàm vulgò creditur. Hoc illuſtrare liceat per exemplum familiare. Si quis alaundam oculis ſectetur, poſtquam verò eâ viſû poſtitus eſt, oculos avertat, dein paulo poſt, ad eandem ac anteà partem cœli reſpiciat, avim illicò rurfûs videbit.

Quod ad ſtrabiſmum attinet. Opinor hunc morbum poſſe, vel cauſam eſſe, vel effectum inæqualitatis inter retinæ utriuſque vires, quum deſuetudine, viſûs poteſtas, vel retinæ vires,

imminuantur: non semper verò necesse est vires has ex strabismo discrepare, nam aliquod in altera retina punctum, cum aliquo alio in altera retinâ congruens evadere potest; ex quo liquet, nulla in utrisque puncta fuisse *ab origine congruentia*, sed inter se tantum *quasi* similia vel consentientia ex *usu* reddita fuisse, quippe ! quæ sub eodem temporis puncto, imagines similes recipere solebant.

M. Buffon rationem sequentem reddidit strabismi in infantibus frequentioris,—nempe quod in iis visûs scopus minimus est.

Sed nonne multò verisimilius est, eorum strabismum, ex punctis utriusque retinæ sibi nondum adnormatis oriri?

Et neutiquam fatis est, quod hîc rejici potest,—nempe, quî sit, ut puncta talia, *ut plurimum* in homine adulto *similiter* fere * jaceant, respectu axis?—

Quia

* Non restrictè similiter posita sunt. Vid. supra, pag. 7c.

Quia quamdiu axes oculorum parallelitum suum fervant, *talìa* puncta imagines similes *simul* recipiant oportet.

Sed denuo forsan rogabitur.—Quare talis axium situs, parallelus scilicet, feligitur?—

Huic quæstioni responsum habeo,—quòd tali sitû, musculorum in utrâque orbitâ contractiones invicem æquales sunt; ideoque, suspensâ voluntate, oculos, vel eorum axes, in talem incidere situm, concludere æquum est.

F I N I S.

ERRATA.

- Pag. 2. l. 5. *pro simplissimus lege simplicissimus.*
— 17. Not. †. l. 2. *pro gastrite lege gastritide.*
— 26. Not. †. l. 5. *pro irritabilite lege irritabilitate.*
— 51. l. 17. *pro impinxere lege impegerunt.*
— 77. l. 10. dele in.
— — — — *pro fisti lege porrexī.*

